

澤州府志

蔡文

十第

澤州府志卷之五十一

襍志

志襍編網羅舊聞收拾剩語俾於志無遺憾爾然其中頗有與本志相發明於本志補缺失者山經水志有說必詳編貝碎金聚亦可寶聖人識小蓋亦有以也志襍編附藝文後

劉知幾曰兩曜星辰麗於天象非如九州萬國廢置無常故海田可變而星緯不易

昔人受封之日以歲星所在爲說晉文卽位歲受實沈董因云實沈之虛晉人是居 按此晉主實沈故歲在實沈謂晉文公適屬得歲而言非專主卽位時說  
春秋戰國地每多遷變要以九州之分爲正

澤州府志

卷之五十一

襍志

一

世以二十八宿配十二州分野最爲踈誕中間僅以畢昴二星管異域諸國殊不知十二州之內東西南北不過綿亘一二萬里外國動是數萬里之外不知幾中國之大若以理言之中國僅可配斗牛二星而已後夾漈鄭漁仲亦云天之所覆者廣而華夏之所占者牛女下十二國中耳牛女在東南故釋氏以華夏爲南瞻部州其二十八宿所管者多十二國之分野隨其所隸耳趙韓王嘗有疏云五星二十八宿在中國而不在四夷斯言至矣

癸辛襍識

陽城田氏嘉穀曰王應麟地理通釋十二次之分大梁趙也實沈晉也三家分晉方始有趙而韓魏無分何以趙獨有之漢書地理志分郡國以配諸次其地或多或少徒以相傳爲說其源不可得聞於其分野或有妖祥而爲占者多

得其效蓋古之聖哲有以度知非後人所能測也陳氏曰九州十二域或繫之北斗冀主樞或繫之二十八宿實沈晉或繫之五星辰星主燕趙先儒謂受封之日歲星所在之辰其國屬之子產曰遷實沈於大夏主參唐人是因成王滅唐而封太叔故參爲晉星實沈爲參神此實沈爲晉之分星而并州之星土也賈氏以爲受封之月歲星所在之辰恐其不然若謂受封之辰則春秋戰國以上占妖祥可也後世占分野而妖祥亦應豈皆古者受封之辰乎周季上配天象有十三國呂氏云十二次蓋戰國言星者以當時所有之國配之唐氏云子產言封實沈於大夏主參封闕伯於商正主辰則辰爲商正分參爲大夏分其來已久非因封國始有分野若以封國歲星所在卽爲分星則

每封國自有分星不應相土因闕伯晉人因實沈矣又漢魏諸儒辰次度各用當時曆數與歲差遷徙亦非天象度數之正惟唐一行下觀山河兩戒上考雲漢之終始斗杓之內外以定分星之次更以七宿之中分四象中位自上天象之首以度數紀之而著其分野最得天象之正

又曰魏書天象志永興三年六月庚子月犯歲星在畢八月乙未又犯之在參四年正月又食在畢直微垣之陽參在山河之右或曰自上黨並河山之北皆鬼星參畢之郊也五年四月上黨羣盜外叛六月濩澤人劉逸自稱三巴王據此參爲晉星當從其舊至晉天文志云上黨入輿鬼二度河東入張一度前人已闢之矣

明潞安栗應麟星野論曰余初第時見廖洞野學士云天文

不知是無頭腦學問且取步天歌讀之因考諸家果無過於丹元子者覽圖誦歌得心應目每於秋夜登臺仰觀內自太微外及列宿經緯周垣若珠聯碁布可數而知鄭漁仲謂素秋無月碧天如水一天星斗盡在胷中如視爲荒忽而不究心非達天者矣

附測極議宋沈括玉衡去辰十一度去極十五度第九星主并州常以五申日候之甲申爲五原雁門丙申爲朔方雲中戊申爲西河庚申爲太原定襄壬申爲上黨

穆天子傳戊寅天子北征乃絕漳水癸未雨雪天子獵於鈺山之西癸亥天子南還升於髭之陘丙寅天子至於鈺山之隊東升於三道之陘癸酉天子命駕八駿之乘赤驥之駟造父爲御翔行逕絕翟道升於太行而濟於河馳驅千

澤州府志

卷之五十一

襍志

三

里遂入于宗周庚辰大朝于宗周之廟乃里西土之數寶處曰天子四日休于濮澤甲寅天子作居范宮以觀桑者乃飲于桑林壬寅天子東至於雀梁乙酉天子西絕鈺陘乃遂西南至於鹽己丑天子南登於薄山竇軫之陘乃宿于虞

查水經注天井水出東陘山西南北有長嶺嶺上東西通道卽鈺陘也按太行山南濟源縣天井有水昌黎詩所謂是時新晴天井溢誰把長劍倚太行是也至天井關之天井智井而無水惟有天井溪卽水經注北流泉也

高平畢氏振姬四州文獻攷

商湯革夏二十四年大旱王禱于桑林雨二十五年作大漢

樂

成王八年冬十月王師滅唐遷其民于杜  
十年王命唐叔虞爲侯

元王六年晉澮絕于梁丹水三日絕不流

威烈王五年晉丹水出反擊

一本作潔

七年晉烈公元年趙獻子城泫氏韓武子都平陽

十五年東周與鄭高都

十七年晉取泫氏濩澤

愼靚王六年鄭侯使韓辰歸晉陽及向二月城陽向更名陽

爲河雍向爲高平

千類青陽娶千類氏生少昊今澤州訛甘瑞

井周有井伯穆天子與井公博今天井一曰天門桀所居蔡

邕井宿所分

澤州府志

卷之五十一

襍志

四

娥陵女媧氏之臣有娥陵氏列子所稱夸娥也

唐咎如杜例云赤翟別種今壺關陵川

辰辰放氏後春秋赤翟今高平辰壩

鐸赤翟春秋鐸遏父邑今澤之鐸壑訛奪火

米米子國赤翟後今高平米山

依史伯說依疇歷莘皆鄆邑鄭語依蔽補丹也鄆在翼丹在

澤歷依在今陽城莘在下陽

五鳩少昊臣元魏有五鳩墓在今高平發鳩山

胥胥臣胥氏之先在太行邗

伯封夏天官夔之後羿滅伯封金仁山曰君臣爭諸侯也後

爲吉甫邑在今高平

原城后抒居原杜云沁水西北有原城桀以原侯夸師者

渠邱應邵風俗通曰晉有渠邱公周大夫渠伯糾後澤有莒山非齊渠邱

郟已姓周邑野王西北在陽城

董封趙董安于死簡子追封在高平非聞喜董澤之陂

鄔郟姓春秋二鄔一在晉魏舒以司馬彌牟爲鄔大夫在太

原翼有東西鄔曹參從韓信擊破夏說軍於鄔東卽沁水

東鄔

續續牙國續牙舜之七友舜發退爲諸侯晉狐鞠居采謂之

續簡伯

范士句封長平句邑范與和大夫爭田卽此

冀冀氏并於晉晉以封郟芮昔郭季過冀舉郟缺漢猗氏縣

有冀亭在皮氏東今沁水故縣

澤州府志

卷之五十一

襍志

五

陽卽陽樊晉文公曰陽夏商之典祀樊八仲之官守焉秦遷

周於陽人聚今陽阿

冥郟也平陸東北有郟城今在陽城冀爲不道伐郟三門入

自顛軫卽此

原晉伐原以原公歸高平原村有原公水晉伐荀以賜原氏

先穀封曰原穀

邗武王後封邗京相璠河內野王西北三十里有邗城邗亭

邗臺隱十一年王以絺租攢茅十二邑易鄔列爲邗田

端氏三卿分晉徙晉侯端氏今沁水

南藺今高平有藺相如廟北藺在汾

巴公周同姓國呂氏春秋晉文公西伐巴蜀今汾州遷巴子

於高都魏將有巴寧

昔陽肥子後遷昔陽平順東有昔陽故城荀吳假道於虞遂入昔陽昔陽人遷長平

散宜菟娶散宜氏後散宜生事文武今高平散蓋山訛傘商蓋殷侯國周公勝殷將攻商蓋辛甲曰難攻請先九裔攻九裔而商蓋敗今高平蓋州

泫氏逸書趙獻子城泫氏竹書梁惠王九年晉取泫氏有泫谷水

防風主祀封縣今沁水西北山瞞姓

高梁公羊晉人敗翟於高梁在高平非臨汾高梁故城

陵澤隗姓國卽陵子壽胡也今陵川

鄧卽葵惠公許嬖大夫鄭以負葵之田七十萬卽此竹書梁惠王元年趙魏伐我鄭京相璠鄭城在山陽西北六十里

澤州府志

卷之五十一

襍志

六

今澤州

左氏傳冬楚公子罷如晉聘且涖盟十二月晉侯及楚公子罷盟于赤棘今澤之大棘

周赧王五十五年秦白起破趙軍於長平殺其將趙括坑降卒四十萬 長平初隸韓赧王五十三年秦將白起伐韓拔野王上黨路絕其守馮亭與民謀曰韓道已絕不如歸趙趙受我秦必攻之韓趙爲一可以當秦於是降趙五十五年秦王齧攻上黨拔之上黨民走趙趙將廉頗軍長平以據之趙用樓昌計媾秦求和諸侯聞之不復救趙廉頗堅壁不出又多亡失趙王數讓之武安君白起行千金爲反間言秦獨畏馬服君之子趙括爲將耳廉頗易與且降矣趙王遂以括代頗將括母諫不聽秦王聞括已將乃陰

使武安君爲上將齧爲裨將令軍中無敢泄武安君者括至軍悉更約束易置軍吏出擊秦軍武安軍佯敗走張二奇兵以劫之括乘勝追造秦壁卽今省冤谷是也其谷四圍皆高山前一路僅容車馬趙軍旣入秦用奇兵絕其後軍分爲二糧道旣絕秦出輕兵擊之趙戰不利築壁堅守武安君築臺以望趙軍秦王聞之自如河內發民十五以上悉詣長平遮絕趙救兵因建空倉於西山以給趙軍趙軍絕糧四十六日人相食急攻秦壘欲出不得括自出搏戰秦射殺之卒四十萬人解甲降武安君誘入谷口盡坑之遺其小者二百四十人歸趙前後斬首共四十五萬人當日頭顱如山後人收而埋之置骷髏廟

戰國趙括母長平之役括母嘗上書趙王言括不可使括少

讀父書自以天下莫能當與父言兵事父不能難然不謂善問其故父曰兵死事也而括易言之趙若用之必覆趙不可使爲將王不聽母曰卽有不稱妾請無隨坐王許之卒用括以至於敗君子謂趙母知子趙王不知臣爲足恨列子大形王屋二山方七百里高萬里北山愚公年且九十面山而居懲山北之塞出入之迂也聚室而謀曰吾欲汝畢力平險指通豫南達千漢陰可乎雜然相許其妻曰以君之力曾不能損魁父之邱如大形王屋何且焉置土石雜曰投諸渤海之尾隱土之北遂率子孫荷擔者三夫叩石墾壤箕畚運於渤海之尾鄰人京城氏孀妻有遺男始亂跳往助之寒暑易節始一反焉河曲智叟笑而止之曰甚矣汝之不慧以殘年餘力曾不能毀山之一毛其如土

石何北山愚公長息曰汝之心固固不可徹曾不若孀妻  
弱子雖我之死有子存焉子又生孫孫又生子子子孫孫  
無窮匱也而山不加增何苦而不平河曲智叟無以應操  
蛇之神聞之懼其不已也告之於帝帝感其誠命夸娥氏  
二子負二山一厝朔東一厝雍南自北冀之南漢之陰無  
隴斷焉

摘山海經

太行在郡邑為中原之繫北次三經中名實今昔不同而  
脈絡可尋况王屋發鳩沁水丹水漳水可指者猶有自因  
類及之所云四十六山如神游洞壑知太行縣延極於無  
窮故摘山海經北次一卷

北次三經之首曰太行之山今在河內野王縣其首曰歸山

澤州府志

卷之五十一

襍志

八

其上有金玉其下有碧有獸焉其狀如麀羊而四角馬尾  
而有距其名曰驩善還還旋旋儂也驩音暉其鳴自訛有鳥焉其狀

如鵲白身赤尾六足其名曰鷦音是善驚其鳴自訛今吳人謂

呼為訛音呼交反

又東北二百里曰龍侯之山無草木多金玉淩淩之水出焉

而東流注於河其中多人魚其狀如鯀魚四足其音如

嬰兒音食之無癡疾

凡記鯀魚鮪魚孩兒魚名鱚名納皆能緣聲如嬰兒土人云聞雷則奔竄山谷今青蘿山多有之

又東北二百里曰馬成之山其上多文石其陰多金玉有獸

焉其狀如白犬而黑頭見人則飛言肉翅飛其名曰天馬

其鳴自訛有鳥焉其狀如烏首白而身青足黃是名曰鷦

鷦屈居二音其鳴自訛食之不饑可以已寓未詳或曰猶誤也

又東北七十里曰咸山其上有玉其下多銅是多松栢草多

芘草條菅之水出焉音音而西南流注于長澤其中多噐

酸三歲一成詳所未也食之已癘

又東北二百里曰天池之山其上無草木多文石有獸焉其

狀如兔而鼠首以其背飛用其背上也其名曰飛鼠澠水

出焉潛于其下底也其中多黃堊堊土也

又東三百里曰陽山其上多玉其下多金銅有獸焉其狀如

牛而赤尾其頸鬣其狀如勾瞿言頸上有肉鬣也音劬其名曰領

胡其鳴自諂食之已狂有鳥焉其狀如雌雉而五彩以文

是自為牝牡名曰象蛇其鳴自諂留水出焉而南流注于

河其中有鮪父之魚陷音其狀如鮒魚魚首而彘身食之已

嘔

澤州府志

卷之五十一

澤志

九

又東三百五十里曰賁聞之山其上多蒼玉其下多黃堊多

涅石

又北百里曰王屋之山今在河東東垣縣北是多石澗水出

焉澗音而西北流注于泰澤地理志王屋山流水所出澗

也

又東北三百里曰教山其上多玉而無石教水出焉西流注

于河是水冬乾而夏流實惟乾河今河東聞喜縣東北有

有故溝處無復水即是也其中有兩山是山也廣員三百步其名曰發

九之山其上有金玉

又南三百里曰景山外傳曰景南望鹽販之澤即鹽池也今

縣或無北望少澤其上多草音根似牛蹄可食曙音豫音

輕儲重耳其草多秦椒子似椒而其陰多赭其陽多玉有鳥

焉其狀如虵而四翼六目三足名曰酸與其鳴自諂見則其邑有恐或曰食之不醉

又東南三百二十里曰孟門之山尸子曰龍門未辟呂梁未鑿河出于孟門之上入溢

逆流無有邱陵高阜滅之名曰洪水穆天子傳曰北升孟門九江之墜其上多蒼玉多金其

下多黃堊多涅石

又東南三百二十里曰平山平水出于其上潛于其下是多

美玉

又東二百里曰京山有美玉多漆木多竹其陽有赤銅其陰

有玄礪黑砥名也尸子曰加玄黃砥明色非一也礪音竹篠之篠高水出焉南流注于

河

又東二百里曰蟲尾之山其上多金玉其下多竹多青碧丹

水出焉南流注于河薄水出焉淮南子曰薄水出鮮于山而東南流注

澤州府志

卷之五十一

襍志

十

于黃澤

又東三百里曰彭毗之山其上無草木多金玉其下多水蚤

林之水出焉音早東南流注于河肥水出焉而南流注于牀

水其中多肥遺之虵

又東百八十里曰小侯之山明漳之水出焉南流注于黃澤

有鳥焉其狀如烏而白文名曰鵠鷓姑習二音食之不灑不瞧目也

或作矚音醮

又東三百七十里曰泰頭之山共水出焉音恭南注于虜池呼佗

二音下同其上多金玉其下多竹箭

又東北二百里曰軒轅之山其上多銅其下多竹有鳥焉其

狀如梟而白首其名曰黃鳥其鳴自諂食之不妒

又北二百里曰謁戾之山今在上黨郡滎縣其上多松栢有金玉沁

水出焉南流注于河至穀遠縣羊頭山也其東有林焉

名曰丹林丹林之水出焉南流注于河嬰侯之水出焉北

流注于汜水

東三百里曰沮洳之山詩汾沮洳彼無草木有金玉瀑水出焉音其

南流注于河今淇水出汲郡隆慮縣大號

又北三百里曰神囿之山音如倉其上有文石其下有白蚘

有飛蟲黃水出焉而東流注于洹洹水出汲郡林慮縣東

洹音滏水出焉而東流注于歐水滏水出魏郡長樂入清水

縣入於漳其水熱

又北二百里曰發鳩之山今在上黨郡其上多柘木有鳥焉

其狀如烏文首白喙赤足名曰精衛其鳴自詒是炎帝之

少女名曰女娃炎帝神農也女娃遊于東海溺而不

澤州府志

卷之五十一

澤志

十一

迤故為精衛常銜西山之木石以堙于東海堙塞也漳水

出焉濁漳音章東流注于河或曰出長子縣鹿谷

又東北百二十里曰少山今在樂平郡沽縣其上有金玉其

下有銅清漳之水出焉東流于濁漳之水清漳出少山大

南暴宮邑入于濁漳或曰東北至邑城入于大河也

又東北二百里曰錫山其上多玉其下有砥牛首之水出焉

而東流注于滏水

又北二百里曰景山有美玉景水出焉東南流注于海澤

又北百里曰題首之山有玉焉多石無水

又北百里曰繡山其上有玉青碧其木多枸木中枚其草多

芍藥芎藭芍藥一名辛夷亦香草屬洧水出焉而東流注于河其中有

鱧鱧似鮎而大白也鼈鼈似鰕蟻一物名耳

又北百二十里曰松山陽水出焉東北流注于河

又北百二十里曰郭與之山其上無草木有金玉濼水出于

其陽各音悉反而東流注于泰陸之水大陸水今鉅鹿北廣平澤即其水 泚水

出于其陰音抵肆也而東流注于彭水今泚水出中邱縣西窮泉谷東注于堂陽縣入

于漳水 槐水出焉而東流注于泚澤

又北百七十里曰柘山其陽有金玉其陰有鐵歷聚之水出

焉而北流注于洧水

又北三百里曰維龍之山其上有碧玉其陽有金其陰有鐵

肥水出焉而東流注于臯澤其中多礪石未詳也音雷或作壘礪壘大石

貌或曰石名 敞鐵之水出焉而北流注于大澤

又北百八十里曰白馬之山其陽多石玉其陰多鐵多赤銅

木馬之水出焉而東北流注于虜沱呼沱二音

澤州府志

卷之五十一

襍志

十二

又北二百里曰空桑之山上已有此山疑同名也 無草木冬夏有雪空

桑之水出焉東流注于虜沱

又北三百里曰泰戲之山無草木多金玉有獸焉其狀如羊

一角一目的在耳後其名曰辣辣音屋棟 其鳴自訕虜沱

之水出焉今虜沱水出鴈門鹵成縣南武夫山 而東流注于澠水音樓 液女之

水出于其陽南流注于沁水液音悅憚之憚

又北三百里曰石山多藏金玉濼濼之水出焉濼音尺蠖之蠖 而東

流注于虜沱鮮于之水出焉而南流注于虜沱

又北二百里曰童戎之山臯涂之水出焉而東流注于澠液

水

又北三百里曰高是之山今在本地靈邱縣 滋水出焉音慈 而南流注

于虜沱其木多櫟其草多條澗水出焉音寇 東流注于河過博

陵縣南又東北入于易水

又北三百里曰陸山多美玉鄴水出焉或作水而東流注于河

又北二百里曰沂山音祈般水出焉音盤而東流注于河

北百二十里曰燕山多嬰石言石似玉有符彩者燕水出焉東

流注于河

又北山行五百里水行五百里至于饒山是無草木多瑤碧

其獸多橐駝其鳥多鷓未詳或曰鷓鴣也歷虢之水出焉而東流

注于河其中有師魚食之殺人未詳或作鮓

又北四百里曰乾山無草木其陽有金玉其陰有鐵而無水

有獸焉其狀如牛而三足其名曰獬音元其鳴自詘

又北五百里曰倫山倫水出焉而東流注于河有獸焉其狀

如麋其川在尾上川窟也其名曰巖

澤州府志

卷之五十一

襍志

十二

又北五百里曰碣石之山水經曰碣石山今在遼西臨榆縣南水中或曰在右北平驪城縣海

邊山繩水出焉而東流注于河其中多蒲夷之魚未詳其上有

玉其下多青碧

又北水行五百里至于鴈門之山無草木鴈門山即北陵西隄

名云在高柳北

又北水行四百里至于秦澤其中多山焉曰帝都之山廣員

百里無草木有玉金

又北五百里曰罽于母逢之山北望鷄號之山其風如飈颺急

風貌也音庚或云飄風也西望幽都之山浴水出焉浴即黑水也是有大蛇

赤首白身其音如牛見則其邑大旱

凡北次三經之首自太行之山以至于無逢之山凡四十六

山萬二千三百五十里其神狀皆馬身而人面者二十神

其祠之皆用一藻茝瘞之

藻聚藻茝香草蘭之類音昌代反

其十四神狀

皆彘身而載玉其祠之皆玉不瘞

不用玉也

其十神狀皆彘

身而八足蛇尾其祠之皆用一璧瘞之大凡四十四神皆用稌糈米祠之此皆不火食

### 滴水經注

水經注沁水逕行跡於今猶舊丹水瀆澤及枝津所合并流注處攷之良然緣摘經與注從源至入河中間縈迴分合灑灑可誦亦備史公河渠書之義 泰中商洛間有丹水特列經目此則附沁疏說以是水孤行不遠故也

沁水出上黨沮縣謁戾山

沮當作涅宋本作洹後漢郡國志上黨郡涅縣注引山海經云謁戾

之山沁水出焉南流注於河郭云在涅

沁水即洎水也或言出穀遠縣羊頭山世靡谷三源奇注

### 澤州府志

#### 卷之五十一

澤志

十四

逕瀉一隍又南會三水歷洛出左右近谿參差翼注之也南過穀遠縣東又南過猗氏縣東

穀遠縣王莽之穀近也沁水又南逕猗氏縣故城東劉聰以詹事魯繇為冀州治此也沁水又南歷猗氏關又南與

羸羸水合水出東北巨峻

御覽作駿

山乘高瀉浪觸石流響世

人因聲以納稱西南流注於沁沁水又南與秦川水合水出巨峻山東帶引衆谿積以成川又西南逕端氏縣故城東昔韓趙魏分晉遷晉君於端氏縣即此是也其水南流入於沁水

又南過陽阿縣東

沁水南逕陽阿縣故城西魏土地記曰建興郡治陽阿縣郡西四十里有沁水南流沁水又南與瀆澤水合水出澤

城西白澗嶺下東逕瀋澤墨子曰舜鮫瀋澤應邵曰澤在縣西北又東逕瀋澤縣故城南蓋以澤氏縣也竹書紀年梁惠成王十九年晉取玄武瀋澤者也其水際城東注又東合清淵水水出其縣北東南經澤城東又南入於澤水澤水又東得陽泉水口出鹿臺山山上有水淵而不流其水東逕陽陵城南卽陽阿縣之故城也漢高帝七年封下

訴爲侯國

一本作卞訴考之史記漢表並無其人惟琴操云卞和獻玉於楚王封爲陵陽侯辭不受退而

歌作水歷焦

宋本作焦

燒山東下與黑嶺水合水出西北黑嶺下

卽開蹬也其水東南流逕北卿亭下又東南逕陽陵城東南注陽泉水陽泉水又南注瀋澤水又東南又有上澗水注之水導源西北輔山東逕銅于崖南歷析城北山在瀋澤南禹貢所謂砥柱析城至于王屋也山甚高峻上平

澤州府志

卷之五十一

澤志

十五

坦下有二泉東濁西清左右不生草木數十步外多細竹其水自山陰東入瀋澤水瀋澤水又東南注於沁水沁水又東南陽阿水左入焉水北出陽阿川南流逕建興郡而其水又東南流逕午壁亭東而南入山泂波漱石瀟澗八丈環濤轂轉西南流入於沁水又南五十餘里泂上下步逕裁通小竹細筍被於山渚蒙籠宋本作茂拔宋本作最密奇宋本作最爲翳薈也

又南出山過沁水縣北

沁水南逕石門也謂之沁口魏土地記曰河內郡野王縣西七十里有沁水左逕沁水城西附城東南流也石門是晉安平獻王司馬孚之爲魏野王典農中郎將之所造也按其表云臣孚言臣被明詔興河內水利臣旣到檢行沁

水源出銅堤山屈曲周迴水道九百御覽引此自太行以

西王屋以東層巖高峻天皆霖雨衆谷走水小口宋本漂

迸木門朽敗稻田汎濫歲功不成臣輒按行去堰五里以

外方石可得數萬餘枚臣以為方石為門若天亢旱增堰

進水若天霖雨陂澤充溢則閉石御覽引此斷水空渠衍

澇足以成河雲雨由人經國之謀暫勞永逸聖王所許願

陛下特出臣表勅大司農府給人工勿使稽延以贊時要

臣孚言詔書聽許於是夾岸累石結以為門用伐御覽引

代木門枋故石門舊有枋口之稱矣溉田頃畝之數間二

玉海引此亦作間二歲月之功事見門側石銘矣水西有

孔山山上石穴洞開穴內石上有車轍牛跡耆老傳云自

朕成者非人功所造也其水南分為二水一水南出為朱

澤州府志

卷之五十一

襍志

十六

溝水沁水又逕沁縣故城北蓋藉水以名縣矣春秋之少

水也京相璠曰晉地矣又云少水今沁水也沁水又東逕

沁水亭北世謂之小沁城沁水東又合小沁水水出北山

臺淳淵南流為臺淳水南東入沁水沁水又東倍澗水注

之水北出五行之山南流注於沁水

又東過野王縣北

沁水又東邗水注之出太行之阜山則宋本五行之異名

也淮南子曰武王欲築宮於五行之山周公曰五行嶮固

德能覆也內貢迴矣使吾暴亂則伐我難矣君子以為能

持滿高誘云今太行山也在河內野王縣西北上黨關也

詩所謂徒矧野王道傾蓋上黨關即此山矣其水南流逕

邗城西故邗關宋本也城南有邗臺春秋僖公二十四年

王將伐鄭富辰諫曰邗武之穆也京相璠曰今野王西北三十里有故邗城邗臺是也今故城當太行南路道出其中漢武帝封李壽爲候國邗水又東南逕孔子廟東廟庭有碑魏太和元年孔靈度等以舊宇毀落上求修復野王令范衆愛河中宋本太守元眞刺史咸陽公高允表聞立碑於廟治中劉明宋本別作駕呂次父主簿向班虎荀靈龜以宣尼大聖非碑頌所稱宜立記焉云仲尼傷道不行欲北從趙鞅聞殺鳴犢遂旋車而反及其後也晉人思之於太行嶺南爲之立廟蓋往時廻轅處也余按諸子書及史籍之文並言仲尼臨河而歎曰丘之不濟命也夫是非太行廻轅之言也碑云魯國孔氏官於洛陽因居廟下以奉蒸嘗斯言至矣蓋孔因遷山下追思聖祖故立廟存饗耳其

猶劉累遷魯立堯祠於山矣非爲廻轅於此也邗水東南逕邗亭西京相璠曰又有亭在橋一作臺西南三十里今是臺在邗城東南七八里蓋京氏之所謬耳或更有之余所不詳其水又南流注于沁沁水東逕野王縣故城北秦昭王四十四年白起攻太行道絕而韓之野王降始皇拔魏東地置東郡衛元君自漢當作陽徙野王卽此縣也漢高帝元年爲殷國二年爲河內王莽之後隊縣曰平野矣魏懷州刺史治皇都遷洛一作治省州復郡水北有華岳廟廟側有攢栢數百根對郭臨川負岡陰渚青青彌望竒可翫也懷州刺史頓邱李洪之之所經構也廟有碑焉是河內郡功曹山陽荀靈龜以和平四年造天安元年立沁水又東朱溝枝津入焉又東與丹水合水出上黨高都縣故城

東北阜下俗謂之源源水山海經曰沁水之東有林焉名曰丹林丹水出焉卽斯水矣丹水自源東北流又屈而東注左會絕水地理志曰高都縣有莞谷丹水所出東南入絕水是也絕水出泫氏縣西北楊谷故地理志曰楊谷絕水所出東北流左會舊本無會字長平水水出長平縣西北小山東南流逕其縣故城泫氏之長平亭也史記曰秦使左庶長王齕攻韓取上黨上黨民走趙趙軍長平使廉頗爲將後遣馬服君舊本無君字有之字吳瑄本以之字改作君字子趙括代之秦密使武安君白起攻之括四十萬衆降起起坑之於此上黨記曰長平城在郡之南秦壘在城西二軍共食流水澗相去五里秦坑趙衆收頭顱築臺於壘中因山爲臺崔嵬桀起今仍號曰白起臺城之左右沿山亘隰南北五十許里

東西二十餘里悉秦趙故壘遺壁舊

猶疑作

存焉漢武帝元

朔二年以封將軍衛青爲侯國其東南流注絕水絕水又東南流逕泫氏縣故城北竹書紀年曰晉烈公元年趙獻子城泫氏絕水東南與泫水會水導源縣西北玄谷東流逕一故城南俗謂之都鄉城又東南逕泫氏故城南世祖建武六年封萬普爲侯國而東會絕水亂流東南入高都縣右入丹水上黨記曰長平城在郡南山中丹水出長平北山南流秦坑趙衆流血丹川由是俗名爲丹水斯爲不經矣丹水又東南流注於丹谷卽劉越石扶風歌所謂丹水者也晉書地道紀曰縣有太行關丹谿爲關之東谷途自此去不復由關矣丹水又逕二石人北而各在一山角倚相望南爲河內北曰上黨二郡以之分境丹水又東南

歷西巖下巖下有泉涌發洪源巨輪

宋本作洪流巨輪一作洪流巨輪

淵深不測蘋藻冬芹竟川含綠雖嚴辰肅月燕麥暄萋丹水又南白水注之水出高都縣故城西所謂長平白水也東南流歷天井關地理志曰高都縣有天井關蔡邕曰太行山上有天井關在井北遂因名焉故劉歆遂初賦曰馳太行之嶮峻入天井之高關太元十五年晉征虜將軍朱序破慕容永於太行遣軍至白水去長子一百六十里白水又東天井谿水會焉水出天井關北流注白水世謂之北流泉白水又東南流入丹水謂之白水交丹水又東南出山逕鄴城西城在山際俗謂之期城非也司馬彪郡國志曰山陽有鄴城京相璠曰河內山陽西北六十里有鄴城竹書紀年曰梁惠成王元年趙成侯偃韓懿侯若伐我

葵卽此城也丹水又南屈而西轉光溝水出焉丹水又西逕苑鄉城北南屈東轉逕其城南東南流注於沁謂之丹口竹書紀年曰晉出公五年丹水三日絕不流幽公九年丹水出相互擊卽此水也沁水又東光溝水注之也水首受丹水東南流界溝水出焉又南入沁水又東南流逕成鄉城北又東逕中都亭南又合界溝水水上承光溝東南流長明溝水出焉又南逕中都亭西而南流注於沁水也又東過周縣北

縣故周也春秋左傳隱公十有一年周以賜鄭公孫段六國時韓宣子徙居之有白馬溝水注之水首受白馬湖湖一名朱管陂陂上承長明溝湖水東南流逕金亭西分爲二水一水東出爲蔡溝一水南流於沁也

又東過邢邱

一日懷縣之北

韓詩外傳曰武王伐紂到邢邱變名邢邱曰懷據今韓詩作懷甯春秋皆赤翟伐晉圍懷是也王莽以爲河內故河內郡治也舊三河之地矣韋昭曰河南河東河內爲三河也縣北有沁陽城沁水逕其南而東注也

又東過武德縣南又東南至滎陽縣北東入於河

沁水於縣南水積爲陂通結數湖有朱溝水注之其水上承沁水於沁水縣西北自方口東南流奉溝水右出焉又東南流右泄爲沙溝水也其水又東南於野王城西枝渠左水焉以周城溉東逕野王城南又屈逕其城東而北注沁水朱溝自枝渠東南逕州城南又東逕懷城南又東逕殷城北郭緣生述征記曰河之北岸河內懷縣有殷城或

澤州府志

卷之五十一

襍志

二十

謂楚漢之際殷王邛治之非也余按竹書紀年云秦師伐鄭次於懷城殷殷卽是城也朕殷之爲名久矣知非從邛始昔劉聰以郭默爲殷州刺史都督緣河諸軍事治此朱溝又東南注於湖湖水又右納沙溝水水分朱溝南派東南逕安昌城西漢成帝河平四年封丞相張禹爲侯國今城之東南有古冢皆人謂之張禹墓余按漢書禹河內軹人徙家蓮芍鴻嘉元年禹以老乞骸自治冢塋起祠堂於平陵平之肥牛亭近延陵奏請之詔爲徙亭哀帝建平二年薨遂葬於彼此則非也沙溝又東逕隰城北春秋僖公二十五年取大叔於温殺之於隰城是也京相璠曰在懷縣西南又逕殷城西東南流入於陂陂水又值東南流入於河先儒亦咸謂是溝爲沛一作沛渠故班固及闕駟並言

泚水至武德入河蓋泚水枝瀆條分所在布稱亦兼丹水之目矣

畢氏曰析城古桑林昔湯禱雨之地有廟巖然其實桑林卽濩澤也吾安知大濩之與桑林一樂一舞非同部也皇甫謐曰殷樂一名桑林以桑林爲大濩別名蓋得之矣左傳襄公十年晉侯以偁陽予宋宋公享晉侯於楚邱請以桑林舞師題以旌夏晉侯懼而退入於房去旌卒享而還說苑趙簡子曰晉有澤鳴犢犢魯有孔丘吾殺此三人則天下可圖也於是乃召澤鳴犢犢任之以政而殺之使人聘孔子孔子至河臨水而觀曰美哉水洋洋乎丘之不濟此命也夫子路趨進曰何謂也孔子曰夫澤鳴犢犢晉國之賢大夫也趙簡子之未得志也與之同聞見及其得志也殺之而後從政故丘聞之刳胎焚天則麒麟不至乾澤而漁蛟龍不遊覆巢毀卵則鳳皇不翔君子重傷其類也家語竇鳴犢一人說苑澤鳴犢犢兩人犢卽鳴犢澤以邑氏水經澤氏縣卽今陽城

芒卯謂秦王曰王之士未有爲之中者也臣聞明王不背中而行王之所欲於魏者長平王屋洛林之地也王能使臣爲魏之司徒則臣能使魏獻之秦曰善因任以爲魏之司徒謂魏王曰王所患者上地也秦之所欲於魏者長平王屋洛林之地也王獻之秦則上地無憂患因請以下兵東擊齊攘地必遠矣魏王曰善因獻之秦地入數月而秦兵不下魏王謂芒卯曰地入數月而秦兵不下何也芒卯曰臣有死罪雖然臣死則契折於秦王無以責秦王幸赦其

罪臣爲王責約於秦乃之秦謂秦王曰魏之所以獻長平  
王屋洛林者欲以下大王之兵東擊齊也今地已入而秦  
兵不可下臣則死人也雖然後山東之士無以利事王者  
矣秦王懼然曰國有事未贍下兵也今以兵從後十日秦  
兵下芒卯並將秦魏之兵以東擊齊啟地二十二縣 畢  
氏按魏自高陵以東盡河東河內南有陳留及汝南之召  
陵潁澶新汲西華長平潁川之舞陽鄆許鄆陵河內之開  
封中牟陽武酸棗卷此或效潁川長平然王屋洛林則皆  
跨河之南北林林鄉也王屋軹也長平或先隸魏後隸韓  
竹書顯王七年我與趙榆次陽邑十年鄭取屯留尚子十  
七年晉取泫武獲澤獲澤今陽城泫武今高平尚子今長  
子固知南北長平先隸魏也然蘇秦以合從說魏不言長

平魏至是以長平與秦又何以有秦趙之爭哉韓之長平  
既破韓復有一長平在潁川魏有長平在汝南秦有長平  
在谷口豈皆韓之遺民歟秦有其地不有其民其民歸韓  
歸魏韓道絕而通於共甯出入由魏乃分有其民也秦以  
長平旌武功望夷宮在長平卒爲二世幽絀之所以一人  
殉四十五萬之衆天道蓋可畏哉

墨子夏王桀天有命日月不時寒暑雜至五穀焦死鬼呼國  
鶴鳴十夕餘乃命湯於鑿宮用受夏之大命夏德大亂禹  
既卒其命於天矣往而誅之必使汝戡之湯焉敢奉率其  
衆是以鄉有夏之境帝乃使陰暴毀有夏之城少山有神  
來告曰夏德大亂往攻之予必使汝大戡之余既受命於  
天天命融降火於夏之城聞西北之隅陽奉桀衆以克有

屬諸侯於薄薦章天命通於四方而天下諸侯莫敢不賓服此則湯之所以誅桀也桀居天門天井也鳴條在今冀氏少山在沁源

周商高筭經昔者周公問於商高曰竊聞乎夫子善數也請問古者庖犧立周天曆度夫天不可階而升地不可尺寸而度請問數安從出商高曰數之法出於圓方圓出於方方出於矩矩出於九九八十一故折矩以爲句廣三股脩四徑隅五既方之外半其一矩環而其盤得成三四五兩矩共長二十有五是謂積矩故禹之所以治天下者此數之所以生也周公曰大哉言數請問用矩之道商高曰平矩以正繩偃矩以望高覆矩以測深卧矩以知遠環矩以爲圓合矩以爲方方屬地圓屬天天圓地方方數爲典以

澤州府志

卷之五十一

襍志

二十三

方出圓筮以寫天天青黑地黃赤天數之爲筮也青黑爲表丹黃爲裏以象天地之位是故知地者智知天者聖聖出於句句出於矩夫矩之以數其裁斷萬物惟所爲耳周

公曰善哉

注云商蓋在今高平商客老子之師起太行固知商高七姓也

伯禽與康叔封朝於成王見周公三見而三答康叔有駭色謂伯禽曰有商子者賢人也與子見之康叔封與伯禽見商子曰吾二子者朝乎成王見周公三見而三答何也商子曰二子盍相觀乎南山之陽有木曰橋二子往觀焉見橋竦焉實而仰反以告乎商子商子曰橋者父道二子盍相與觀乎南山之陰有木曰梓二子往觀焉梓勃焉實而俯反以告商子商子曰梓者子道也二子明日見周公入門而趨登堂而跪周公拂其首勞而食之曰安見君子二

子告以商子公曰君子哉商子也

韓非子周公旦已勝殷將攻商蓋

商蓋即今高平散蓋山  
散宜生續封訛傘蓋辛

公甲曰大難攻小易服不如服衆小以劫大乃攻九夷而商蓋服矣辛甲七十諫而紂不聽歸周周封甲長子至辛有之二子爲董氏

韓非子歷山之農者侵畔舜往耕之暮年剛畝正河濱之漁者攘舜往漁之暮年而讓長東夷之陶者噐苦窳舜往陶焉暮年而噐牢仲尼歎曰耕漁與陶非舜官也而舜往爲之者所以救敗也舜其信仁乎乃躬耕處苦而民從之故曰聖人之德化乎

列御寇造父之師曰泰豆氏造父之始從習御也執禮甚卑泰豆三年不告造父執禮愈謹乃告之曰古詩言良弓之

澤州府志

卷之五十一

襍志

二十四

子必先爲箕良冶之子必先爲裘汝先觀吾趣趣如吾然後六轡可持六馬可御造父曰唯命所從泰豆乃立木爲塗僅可容足計步而置履之而行趨走往還無跌失也造父學之三日盡其巧泰豆歎曰子何其敏也得之捷乎凡所御者亦如此也曩汝之行得之於足應之於心推於御也齊輯乎御轡之際而急緩乎唇吻之和正度於胸臆之中而執節乎掌握之間內得於中心而外合於馬志是故能進退履繩而旋曲中規矩取道致遠而氣力有餘誠得其術也得之於御應之於轡得之於轡應之於手得之於手應之於心則不以目視不以策驅心閑體正六轡不亂而二十四蹄所投無差廻旋進退莫不中節然後輪輿之外可使無餘轍馬蹄之外可使無餘地未嘗覺山谷之嶮

原隰之夷視之一也吾術窮矣汝其識之

造父本封趙城秦趙共祖之穆天子傳造父御八駿再登顛  
軫過黃澤顛軫陽城黃澤遼州也

呂覽桀爲不道暴戾頑貪棄義卽讒以羊萃侯侈爲相凌轢  
諸侯以反兆民不由於國始遷於垂秦龍逢以諫死太史  
終古哭而去大霧雨血枉矢參射湯與伊尹謀代夏伊尹  
往視曠夏聽於妹喜妹喜曰今夕天子夢西方有日東方  
有日兩日相與鬪西方日勝東方日不勝伊尹以告湯湯  
方發師升陟師從東方出於國西以進戰於鳴條未接办  
而桀走遂至太沙禽之焦門放之南巢而夏亡焦乃媵地  
鳴條在冀氏南沙子國今涉縣桀居天門在澤之晉城太  
行之上吳起所謂左右孟門羊腸在其南盧罕在其北也

澤州府志

卷之五十一

襍志

二十五

陽城有顛軫見穆天子傳冀攻虞人自顛軫以地氏左傳顛  
頡燔僖負羈宮文公殺顛頡釋魏犇

漢桓譚竇公年百八十兩目皆盲文帝問何因至此對曰臣  
年十三失明父母哀其不及衆技教鼓琴臣導引無所服  
餌竇少康後起今沁水觀津儀州皆其後

世本言夏后居陽城本在大梁之南於戰國大梁魏郡 按  
經傳禹與堯舜所都同在河北冀州之域居陽城爲避商  
均

戰國策曰桀之居左天門之陰右天谿之陽伊闕在其南羊  
腸在其北地理志曰上黨高都在天井關卽天門也

戰國策吳起對魏武侯曰夫夏桀之國左天門之陰而右天  
谿之陽盧罕在其北伊洛出其南有此險也然爲政不善

而湯伐之

國策蘇厲為齊說趙王曰齊乃西師以禁秦國使秦發令素服而聽及温軹高平於魏及三公什清於趙此王之明知也

左思魏都賦魏土畢昴之所應虞夏之餘人先王之桑梓列聖之遺塵考之四隈則八埏之中測之寒暑則霜露所鈞卜偃前識而賞其隆吳札聽歌而美其風

空倉秦以給趙米山趙以給秦夫唱籌量沙敵獨疑之曾謂聚米為山十數里層巒複嶺假以走敵安可欺秦趙之牧豎哉北岳祀恒山以其神為庚桑洙西空倉嶺北廟祀空倉神是乃庚桑之轉音也明宋匾辯亢倉子

周禮冀州其山鎮曰霍山其澤藪曰陽紆其川漳其浸汾潞

澤州府志

卷之五十一

澤志

二十六

其利松栢其民五男二女其畜宜牛羊其穀宜黍稷鄭注康

陽紆所在未聞畢氏振姬曰意即澤之陽阿陽阿既隸獲澤矣語曰陽阿之劍又曰陽紆之劍今其地工鍛鍊名大陽由來遠矣

春秋隱公十一年王取鄆劉蔦邗之田於鄭地輿記曰鄆沁水西劉曲屬澤

邗在太行

春秋左傳僖公九年齊侯以諸侯之師伐晉及高梁而還時

克殺奚齊卓子及其大夫荀息

高梁即曲梁春秋晉人敗狄于曲梁公羊曰高梁書在晉人滅潞之上高梁距潞不遠矣畢氏曰高平有高梁上梁沁有下梁由下梁戰高梁由高梁滅潞距潞百里西師之次也又僖公二十四年傳戊申使殺懷公于高梁杜注曰懷公奔高梁高梁在平陽

春秋文公六年傳賈季怨陽處父之易其班也而知其無援于晉也九月賈季使續鞠居殺陽處父十一月丙寅晉殺續簡伯賈季奔狄 畢氏曰續邑濩澤續簡伯射姑之族射姑使鞠居殺處父續與陽比隣故也射姑奔狄爲賈族今潞南賈村

長狄防風氏之後主封禺之山山在永安沁水西北狄數侵中國爲有鄆瞞之族也 左傳文公九年鄆瞞侵齊遂伐我穀梁傳曰長狄兄弟三人佚宕中國瓦石不能害叔孫得臣最善射者也射其目身橫九畝斷其首而載之矰見於軾 按長狄春秋時襍居潞澤者說著始末略

穆天子傳天子休于濩澤淮南子舜釣於河濱濩澤應劭曰澤在縣西北沁水東逕故城南

澤州府志

卷之五十一

襍志

二十七

竹書紀年周烈王十七年晉取元武濩澤梁沈約附注曰卽雷澤舜漁處

長平之坑至今農人掘地多見髑髏人骨及戈頭箭頭戈箭悉銅製箭鏃三稜今猶及見之往往箭鏃中骨不得出李賀詩漆灰骨末丹水砂淒淒古血生銅花白翎金鏃雨中盡直餘三脊殘狼牙又曰訪古汎瀾收斷鏃折鋒赤豐曾剗囟南陌東城馬上兒勸我將金換簔竹

省志紀云潞澤之交橫亘一山起丹朱嶺至馬鞍壑有古長城一道歲久傾頽遺址尙存登高望之宛然聯絡中有營壘土人謂交兵時築

省志紀云陵川寶應山又名秦嶺謂秦時築以事攷之長平之役秦人遮絕趙救兵及芻餉而築也又計石城百里非

假以歲月不易成蓋嘗循沁河之濱當絕險之地有城二北曰武安南曰屯城皆白起屯兵之所左山右水進退有據其去長平尚百餘里頓大兵於此越數險而擒薙勅敵俾無噍類夫以四十萬衆旣當其鋒又絕其後又宿重兵於別所布置得宜陰陽互用吾觀武安之行營部置而信能成功於頃刻也卽秦王不親至河內發民十五以上赴長平武安亦足自辦矣

五代史李嗣昭傳光化元年澤州李罕之襲潞州以降梁梁遣丁會應罕之嗣昭與會戰含山執其將一人斬首三千級遂取澤州按高平有韓王山鳳臺巴公鎮有可寒山皆當孔道查舊志無含山疑卽含山之訛姑兩存之以待攷豈李嗣昭本姓韓復訛含爲韓歟

澤州府志

卷之五十一

襍志

二十八

世本夏后居陽城本在大梁之南經傳夏堯舜同在河北冀州之域不在河南居陽城爲避商均山海經少室之山郭璞注曰今在河南陽城西俗名泰室是河南有陽城

博物志曰河東堯所都大陽舜所都前趙劉聰據平陽後趙石勒據襄國石季龍據鄴北齊高歡以鄴爲上都晉陽爲下都

河圖曰九州殊域水泉剛柔各異雍冀合商羽端駛烈人聲撻其泉辛以鹹

爾雅九州冀州冀近也在兩河之間其氣清厥性相近杜牧曰冀州者以其恃疆不循理冀其必破弱雖已破冀其必疆大也

唐以後五代十國皆節鎮流裔合并自朱温併河中魏博淄

青成德澤州而爲梁李克用自河東據潞州而爲晉  
禹貢錐指云古者河北之地皆謂之河內自戰國魏始有河  
東河內之別而秦漢因之以置郡縣周禮所謂河內不止  
河內郡地也

高平畢氏振姬曰周禮有星土之說晉屬諸參拜戎不暇戎  
翟實偪處此潞子土地甲兵壓天下周鄭齊魯邢衛脩狄  
方西向與晉爭沁之醜翟武鄉沁源之白翟遼之昔陽榆  
社之甲父純留之留長子之吁壺關陵川之麇咎如卑耳  
澤之鐸高平之辰米陽城沁水之烏虢長翟杖馬箠從潞  
子盜邊不爲晉之分民豈爲爲參之分土晉分民參分土  
何以天子諸侯百年戎翟之患無寧宇春秋詳內而畧外  
不論也晉之滅潞也爲不祀也星辰之神山川之神與神

澤州府志

卷之五十一

襍志

二十九

農祝融久餒晉何棄而不祀乎

又曰太行迤北奄爲翟土周鄭齊魯邢衛歲常被兵肥鼓夙  
沙昔陽甲父米子留吁鐸辰與醜翟長翟白翟烏虢臯落  
相首尾春秋八九十年東收于晉晉何嘗始封有上黨哉  
新唐書戶二萬七千八百二十二口十五萬七千九十土貢  
人穫石英野鷄 縣六晉城端氏陵川陽城沁水高平天  
寶元年更郡名有府五曰丹川永固安平沁水白澗

隋志河內郡有濟源縣舊有沁水縣後齊廢入有安昌縣高  
平縣後齊廢有王屋縣舊曰長平後周改

按隋開皇初始并爲澤州長平郡自此前後統縣六至唐  
省丹川入晉城建高平郡而州縣界域合并畫一如今時  
雖析置省改不同其疆里隸屬無異故載唐時戶口上貢

而有無盛衰茲土今昔之跡著矣

宋志云河東蓋禹貢雍冀二州之域而冀州爲多當觜參之分其地東際常山西控黨項南盡晉絳北控雲翔當太行之上地有鹽鐵之饒其俗剛悍而朴直勤農織之事業寡桑柘而富麻苧善治生多藏畜其靳嗇尤甚朔方樓煩馬之所出歲增貿市以克監牧之用太宗平太原慮其恃險徙州治焉然猶爲重鎮屯精兵以控邊郡云

容齋洪氏隨筆曰堯舜之子不肖等耳舜之後雖不有天下而傳至于陳及田齊幾二千載惟堯之後當舜在位時卽絕故禹之戒舜曰母若丹朱傲用殄厥世又作戒曰惟彼陶唐有此冀方今失厥道亂其紀綱乃底滅亡丹朱之惡顧在所絕方舜禹之世顧不能別訪賢胄爲之立繼乎左

澤州府志

卷之五十一

襍志

三十

傳載子產之詞曰唐人是因以服事夏商其季世曰唐叔

虞謂唐人之季非周武王子封於晉者

成王滅之而封太叔又蔡墨曰陶唐

氏旣衰其後有劉累氏曰御龍范宣子曰句之祖自虞以上爲陶唐氏在夏爲御龍氏然則封國雖絕尙有子孫武王滅商封帝堯之後于薊而未嘗一見于簡策史趙言楚之滅陳曰盛德必百世祀虞之世數未也臧文仲聞蓼與六二國亡曰臯陶庭堅不祀忽諸堯之盛德豈在舜臯之下而爵邑不能及其子孫何也

按平陽府浮山縣志云丹朱食邑潞有長子縣其名舊城曰丹朱城唐十道圖曰堯長子丹朱築在縣西周二十里又有丹朱嶺縣南二十五里明謝榛同周斯盛飲山樓詩萬年不改丹朱嶺聖帝垂名共白雲疑時封食一邑有之

或又云其地爲長狄所居因以長名西漢書云長子周史  
辛甲所封有鹿谷山濁漳水所出東至鄴入清漳顏師古  
注曰長讀長短之長今俗爲長幼之長非也此未必無據  
不知孰是

古所論山東乃今之河北晉地也今所謂山東乃古之齊地

青齊是也謂之山東蓋太行山之東也

東坡詩注

尸子曰太行牛之難

尸佼晉人

十三州記曰太行山或曰孟門蓋險阻是也

孟門有二一在龍門山北河出孟門之上是也一在太行山  
東左傳襄公二十三年齊侯伐晉取朝歌入孟門登太行  
吳起謂魏武侯曰殷紂之國左孟門右太行杜預注云孟  
門晉隘道而不言其處所孟門者太行隘道之名疑卽今

澤州府志

卷之五十一

澤志

三十一

輝縣之白陘耶

金氏履祥曰太行爲河北脊脊上諸州並山嶮

漢志云濁漳水出鹿谷山惟南子出發苞山後魏志云出廉  
山皆發鳩山之異名

德清胡氏渭曰禹所名之山苞舉宏遠如自河內以至井陘  
總謂之太行山至若底柱碣石朱圉大伾之類則又狹小  
孤露與一邱一壑無異蓋山陵之當路者不得不舉爲表  
識必廣袤數十里之大山而遂疑古言之非未可也

河南程氏曰古法律管當實千二百粒黍羊頭山不相應則  
將數等驗之看如何大小者方應其數然後爲正胡先生  
定樂取羊頭山黍用三等篩子篩之取中等者特未定也  
羊頭山按一統志云羊頭山在潞州長子縣東南五十六里

上有石狀如羊頭故名按今長子縣東南正屬高平縣境  
上有神農廟所謂前簷滴高平後簷滴長子是也

蔡氏律呂新書曰黃鐘之龠以子穀秬黍中者千有二百實  
爲一龠十龠爲一合十合爲一升十升爲一斗十斗爲一  
斛黃鐘爲萬事根本故尺量權衡皆起於黃鐘

太行山在懷州河內縣西北亘十州之界連河北諸州始於  
懷而達於幽爲天下之脊

地理通釋

地理志媯州懷戎縣東南五十里有居庸塞東連盧龍碣石  
西屬太行常山實天下之險有鐵門關居庸呂氏春秋九  
塞之一

白起攻南陽太行道絕之

河內修武也

范睢曰北斷太行之道則

上黨之師不下

山自孟州  
亘至幽州

蔡澤謂范睢曰君相秦決羊

澤州府志

卷之五十一

襍志

三十二

腸之險塞太行之口

乾河鳳臺縣東南八里白水至此伏流白水河記云於旱乾  
水絕不流伏於地下至丹河處始出會流下山陳許乾河  
立塞攻劉積處

四州文獻載神農之興百穀滋阜羊頭黍爲律上黨禾爲書  
是以丹梁似蓋香露成池因有豢龍之圃時丹雀銜九穗  
禾其墜地者帝拾之以植於田食者老而不死赤松子其  
著也稻梁麥菽粒我蒸民遂爲先代飲食之人

蒼頡作字四目靈光或以爲黃帝之臣路史以爲史皇神農  
氏後蓋神農已作穗書書與穗相因起今上黨羊頭山神  
農始種五穀西連倉頡古廟乃知倉頡君天下者非臣也  
詩地理考吳起曰夏桀之居左河濟右太華伊闕在其南羊

腸在其北寰宇記禹自安邑都晉陽桀徙安邑湯升道從  
陟在河曲之南桀走保三朶今定陶也桀自安邑入山出  
太行東南行三十里有陟山

朱子曰河北諸山自北寰武諸州乘高而來西一支爲壺口  
太岳次一支南出以爲析城王屋而又西折爲雷首又一  
支爲恒山又一支爲太行太行山千里其山高甚上黨在  
山脊河東河北諸州在山支今陽城縣境正當王屋太行  
二支廻轉之處中以沁河爲界也

路史前紀太行麻姑朱崖等山險崖石罅皆是螺蚌之殼顏  
魯公等以爲桑田之變者也

王屋山在濟源縣西百里禹貢曰底柱析城至于王屋是也  
以其山形如王者車蓋故名或曰山伏如屋也又曰山空

澤州府志

卷之五十一

襍志

三十三

其中列仙宅之其內廣濶如王者之宮也按龜山白玉上  
經暨茅君內傳皆云大天之內有玄中洞三十六第一曰  
王屋之洞周回萬里名清虛小有之天杜甫詩憶昔北尋  
小有洞卽此山也其絕頂曰天壇常有雲氣覆之輪菌紛  
郁雷雨在下飛鳥視其背相傳自古僊靈朝會之所世人  
謂之西頂蓋以武當山爲南頂泰山爲東頂而並稱三頂  
云余夙慕天壇王屋之勝顧塵事羈縛恒以未獲一游爲  
憾歲乙巳三月十三日乙亥蚤起渡河往游是夕宿原武  
翌日丙子宿武陟丁丑宿覃懷戊寅宿濟源己卯晨出縣  
城西走溝中四十里飯胡嶺又折西南行十五里度秦嶺  
皆行山上逾五里至劍河堡南行又折西北行十五里至  
陽臺宮在王屋山之麓唐司馬承真脩真之所也明皇御

書寥陽殿三巨字殿中塑昊天上帝像旁侍十二元辰皆  
偉麗而白雲道院乃在寥陽殿之東曰白雲者承真別號  
也入道院見大鑊一徑丈深數尺勝國時物也宮之南有  
八仙嶺其勢如八仙飭冠佩下天拱揖而嚮陽臺又有仙  
猫洞不老泉皆去宮不遠出陽臺宮東北行下山百余武  
謁煙蘿子祠祠前有洗參井祠卽煙蘿子宅址也煙蘿子  
者晉天福間人世傳煙蘿子佃陽臺宮田苦積功行忽一  
日于山中得異參闔家食之拔宅上昇云過祠北行礮道  
中蹇亂藤履危石東西兩山壁立千仞風颼颼起巖谷林  
木間令人震恐礮道中行八里復上山坂壘獻盤曲莫記  
層數乃循石磴道士導入紫微宮仰視臺殿如在天上  
至門金書榜曰王屋山朝真門門內爲天王殿榜曰天下

第一洞天又上一層曰三清殿面對華蓋山如几案然又  
上一層曰通明殿設昊天上帝像殿中環列朱龕貯國朝  
御賜道藏經若干函有碑數十通皆宋金元時物薄暮酌  
方丈之松菊堂翌日庚辰夙興爲天壇絕頂之游乃乘小  
山轎僕夫持絙牽輿以上出紫微宮西上二里至望仙坡  
閱披雲子脩煉之跡又上四里至憩息亭凡登絕頂者至  
此必飲茗少憩故名其地有仰天池四面高而中凹舊有  
泉今涸至此則山徑愈峻嶮轆不可行乃步以上過此則  
躡瘦龍嶺登一天門曰瘦龍者以山脊之癯如瘦龍露骨  
也過一天門登十八盤山石壁陡絕旋繞而上至躡雲嶠  
觀煙蘿子登仙石石上有足跡下有澗曰避秦溝又稍上  
則紫金巖巖之右有三官洞洞前有仙人橋少頃至南天

門則愈陡絕手攀鐵索以上觀軒轅皇帝御愛松小憩換衣亭謁玉皇殿殿之東曰清風臺西曰明月臺皆巨石也又行數十步至絕頂入虛皇觀謁軒轅廟眞君祠乃陟三級瑤臺極其遐覽東曰日精峯日始出時晶彩爛然西曰月華峯月上時光華先見也于是東望海岱西眺崑邱北顧析城南俯黃河如線嵩山少室隔河對峙咸聚目前下視華蓋諸山卑如培塿竊意天下奇觀無踰此者余徘徊久之乃下三級瑤臺徧觀古今諸石刻而日已晡矣是夕宿上方院偶思李白詩願隨夫子天壇上閒與仙人掃落花之句超然有遺世獨立之心焉余入寢室將就枕道士走報請觀天燈亟出視之則見遠火如流星下上明滅杳無定跡時從行者咸相顧駭異辛巳昧爽起觀日始出之

景甚奇天旣明陰雲蔽翳移時頃之開霽步至北天門見古松十數株天矯如虬龍環列成行儼如侍衛皆千百年物也遂觀捨身崖志心石在東北虛巖之上突出一石潤尺許長丈餘勢欲飛墜下瞰峭壑神悸股栗又觀老子煉丹池池上有老子祠古碑存焉聞東北有王母洞奧邃莫測人跡罕至元時歲投金龍玉簡于此余欲往游之道士曰徑險不可行且有蛇虎潛其中乃下南天門一里許游黑龍洞洞前有太乙泉一曰太乙池蓋濟水發源處也世傳析城之山升白氣于天落五斗峯化爲溼雲自石竇中滴水降太乙池云道士曰每歲諸元會日五更之初輒聞仙鐘白遠洞中發聲悠揚清婉可聽又曰日出沒時間有倒影之異余暫游速返悉未之逢也是日由舊途下山仍

宿紫微宮曩余嘗夢游一山極奇絕嗣後游四方名山無似者乃今登覽王屋種種與夢中所見合夫豈偶然者哉

明李濂王屋山記

明公安袁宏道書太行山語示陳山人陳山人嗜山水者也或曰山人非能嗜者也古之嗜山水者烟嵐與居鹿豕與遊衣女蘿而啖芝朮今山人之跡什九市廛其于名勝寓目而已非真能嗜者也余曰不然善琴者不弦善飲者不醉善知山水者不岩棲而谷飲孔子曰知者樂水必溪澗而後知是鳧鷖皆哲士也又曰仁者樂山必巒壑而後仁是猿獠皆至德也唯于胸中之浩浩與其至氣之突兀足與山水敵故相遇則深相得縱終身不遇而精神未嘗不往來也是之謂真嗜也若山人是已昔有書生携一僕入

澤州府志

卷之五十一

襍志

三十六

太行山僕見道上碑字誤讀曰太彤山書生咲曰杭也非形也僕固爭久之因曰前途遇識者請質之負者罰一貫錢行數里見一學究授童子書書生因進問且告以故學究曰太彤是僕大叫咲乞所負錢書生不得已與之然不釋既別去數十步復返謂學究曰向爲公解事者何錯謬如是學究曰寧可負使公失一貫錢教他俗子終身不識太行山此語極有會想山人讀至此當捧腹一咲也

宋蘇軾太行卜居云柳仲舉自共城來搏大官米作飯食我且言百泉之奇勝勸我卜鄰此心飄然已在太行之麓矣元祐三年九月七日東坡居士書

明王樵私箋底柱在陝州陝縣三門鎮大河中流有石如柱析城在澤州陽城縣山峯四面如城王屋在河東垣縣東

北泚水出焉從底柱至王屋禹在冀州南河之北東行而  
泚水之導覃懷之績皆在所經矣又于是太行恒山至于  
碣石太行在懷州之地連亘數州爲河北脊以接恒嶽河  
北諸州皆旋其趾程子所謂太行山千里片石衆山皆石  
上起峰耳恒山北嶽在雲中者是歷代以曲陽之山爲北  
嶽非古之恒山也碣山一在平州一在高麗界中

畢氏紀郭經洹水圖說謂洹水出洹氏縣疑今澤州陵川左  
傳聲伯夢濟洹水而歌注云水出汲郡林慮縣東北按  
林慮屬今彰德府林縣隋圖經謂安陽河卽聲伯夢涉之  
所許氏說文又謂水在齊魯間以衆說考之意洹水非高  
平陵川所自出雖伏而再發而高平陵川舊志悉不載有  
洹水源

澤州府志

卷之五十一

襍志

三十七

段少司空園是玉川子煎茶處中有二泉或曰玉泉去盤谷  
不十里門外一水曰澐水出王屋山按通志玉泉在瀧水  
上盧仝煎茶於此今水經注不載

萬曆十五年黃河漫流議導沁入衛給事常居敬言衛輝城  
卑於河恐一決有衝潰之患沁水多沙善淤入漕未便

明紀

事本末

沁河決蓮花口金屹嶇水浸獲嘉新鄉一帶尋塞之又加築

隄壩以防漲漫

南河全考

沁水至武陟縣與黃河會合其湍急之勢較黃河益甚而武  
陟東岸之蓮花池金屹嶇最其衝射要害處也萬曆十五  
年沁從此決新鄉一帶俱爲魚鱉

河防一覽

沁下太行至原武縣黑陽山與河汴合流至徐州入運河

明侍郎王佐疏北河通漕專藉衛水然上源未暢則下流必壅獨有挽漳引沁關丹三策

丹水自高平縣來至河內丹谷口有大丹河小丹河從石斗門分流大丹至新鄉入衛小丹至岔河尖入衛長一百九十二里

河防志

沁河性善變遷衝決之害甚於黃河至武陟北關寬二三十丈水甚淺且濁脩武縣西關丹河寬七八里五六尺深繞城北行

丹河南注西下中間分散有十八道小溝渠民用灌溉至劉村入沁水首尾三十餘里

紀程

春秋左傳曰聲伯夢涉洹水圖經曰洹水出林慮山西北入洹水縣舊曰洹氏縣在澤州高平然高平無洹水

澤州府志

卷之五十一

襍志

三十八

濁漳出高平發鳩山東逕壺關屯留至武安縣東清漳出樂平南少山自涉縣來注之其處名曰交漳口遂東過鄴縣入磁州經銅雀臺至館陶入衛

沁河源出山西沁源縣穿太行山出濟源縣經河內武陟縣入黃河自濟源大坡界起至河內計長七十里又東與大丹河合至武陟亦長七十里又東行長七十里寬一百六十丈中皆浮沙淺深無定伏秋水發常虞泛濫

大丹河源出山西高平縣穿太行山至河內縣入沁河自河內丹谷起至劉村入沁河計長五里

行水金鑑

明嘉靖郡人龐浩小析山記云小析山在州城北十里許晉司馬師常住牧於此今有旗杆石在俗呼爲司馬山金李鶴鳴先生嘗爲司馬山成湯廟碑可考陽城有析城山此

爲小析山亦隨地得名山之形巍然高厚傑出諸山州城  
奠定懸若背負其地益高山益峻延亘旣遠上有三池盛  
夏漲發奔迅益駛環州城南會爲白水東南逕青蓮峰合  
丹水入於衛

省志紀載云王朴欽天曆法世罕傳歐陽脩嘗問于著作佐  
郎晉城劉羲叟羲叟求得欽天曆經四篇然後朴之曆大  
備羲叟好學知書尤通於星曆嘗曰前世造曆者其法不  
同而多差至唐一行始以天地之中數作大衍曆最爲精  
密後世善治曆者皆用其法惟寫分擬數而已至王朴一  
能自爲一家朴之曆法總曰躔差爲盈縮二曆分月離爲  
遲疾二百四十八限以考衰殺之漸以審朧朧而朔望正  
矣校赤道九限更其率數以步黃道使日躔有常度分黃

澤州府志

卷之五十一

襍志

三十九

道八節辨其內外以睽九道使月行如循環而二曜協矣  
觀天勢之升降察軌道之斜正以制食差而交會密矣測  
岳臺之中晷以辨二至之日夜而軌漏實矣推星行之逆  
順伏留使舒亟有漸而五緯齊矣然不能宏深簡易而徑  
急是取至其所長雖聖人出不能易也李淳風著晉書天  
文志劉羲叟著新唐書天文五行志胥史蘇董因之流也  
後漢梁商自以戚屬居大位每存謙柔虛已進賢辟漢陽巨  
覽上黨陳龜龜爲掾屬李固周舉爲從事中郎于是京師翕  
然稱爲良輔風俗通陳龜遷京兆尹民有病則給醫藥常  
使戶曹巡行

宋史律曆志皇祐四年十一月日月食二曆不效詔以唐八  
曆及宋四曆參定皆以景福爲密遂欲改作而劉羲叟謂

崇天曆頒行逾三年所差無幾詎可偶緣天變輕議改移又謂古聖人曆象之意止於敬授人時雖則豫考交會不必脗合辰刻或有遲速未必獨是曆差迺從羲叟言復用崇天曆羲叟曆學爲宋第一歐陽脩司馬光皆遵用之後周琮沈括再改皆不效然後知羲叟之言然

金章宗承安四年五月以旱下詔責躬求直言應奉翰林文字陳載言四事其一邊民苦于寇掠其二農民困于軍需其三審決寃滯一切從寬苟縱有罪其四行省官員例獲厚賞而沿邊司縣曾不霑及此亦干和氣致旱災之所由也上是之

金大定二十九年諭有司曰百姓多有鹽禁獲罪朕欲依均辦例令民自煎令百官議之禮部尙書李晏等曰所謂乾

辦者旣非美名又非良法必欲杜絕私煮盜販之弊莫若每斤減爲二十五文使公私價同則私將自己又巡鹽兵吏往往挾私鹽以誣人可令與所屬司縣期會方許巡捕遠者按察司罪之叅知政事張汝霖翰林直學士李晏讀新進士策至縣令闕員取之何道上曰朕夙夜思此未知所出晏對曰國朝設科始分南北兩選北選詞賦進士擢第一百五十人經義五十人南選百五十人計三百五十人嗣場北選詞賦進士七十人經義三十人南選百五十人計二百五十人以入仕者多故員不闕其後南北通選止設詞賦科不過取六七十人以入仕者少故縣令員闕也上曰自今文理可采者取之無限以數

楊澤州庭秀字德懋華州人大定中進士學詩於蘭泉張吉

甫有渴心曉夢江湖濶醉眼春風草木低之句泰和三年刺澤州致仕後閒居鄉里坐爲楊珪註誤被法士論冤惜之

秦畧字簡夫陵川人父事軻有詩名工作大字簡夫少舉進士不中卽以詩爲業詩尙雕刻而不欲見斧鑿痕故頗有自得之趣悼亡一詩高出時輩殆荆公所謂看似尋常最奇崛成如容易却艱難者耶年六十七卒臨終留詩云軀殼羈棲宅兒孫邂逅恩雲山最佳處隨意著詩覓簡夫自號西溪老人有集行於世子彥容爲黃冠師今在乎陽申編脩萬全字百勝高平人兄無夷字百福崇慶二年進士百勝少有聲太學中貞祐二年乙科調福昌簿不赴隱居盧氏山中以讀書爲業作詩有靜功然不多見也正大中召爲史館編脩從行省慶山南征道中有詩云回首秋風謝敝廬崎嶇又復逐戎車人生行止元無定一葦江湖縱所如不數日溺水死人以爲讖云

郝先生天挺字晉卿陵川人家世儒素伯父子颺有詩名號東軒老人先生少曰有賦聲早衰多疾厭於名場遂不復就舉貞祐之兵避于河南往來淇衛間爲人有崖岸耿耿自信寧落薄而死終不一傍富兒之門年五十七卒於舞陽臨終浩歌自得不以死生爲意其平生自處爲可見矣好問十四五先人令陵川時從先生學舉業先生教之曰今人賦學以速售爲功六經百氏分磔綴緝外或篇題句讀之不知幸而得之不免爲庸人况一敗塗地者乎又曰讀書不爲藝文選官不爲利養唯通人能之又曰今世仕

宦多用貪墨敗官皆苦於饑凍不能自堅者耳男子生世  
不耐饑寒則雖小事不能成子試以吾言求之先生工於  
詩時命好問屬和或言令之子欲就科舉詩非所急將無  
徒費日力耶先生曰君自不知所以教之作詩正欲渠不  
爲舉子耳子思溫字和之孫經字伯常今居順天

趙內翰可字獻之高平人貞元二年進士仕至翰林直學士  
風流有文采詩樂府皆傳於世號玉峯散人集子述字勉  
叔承安二年登科賦雪云奇貨可居天種玉太平有象麥  
連雲屏山故人外傳說勉叔詩章字畫皆有父風性落魄  
嗜酒卒以樂死侷儻奇男子也

李承旨晏字致美高平人唐順宗第十六子福王綰之苗裔  
父森字彥實工於詩有云少年日日醉花邊短白長紅一

一憐自笑老來心尚在惡風常廢五更眠又賦梅云冰骨  
有香覓乍返玉顏無暈酒全消人多傳誦之致美皇統二  
年經義進士釋褐臨汾丞時張太師浩判平陽一見愛其  
才爲之延譽稍遷遼陽幕官與興陵有藩邸之舊入翰林  
爲學士高文大冊號稱獨步拜御史中丞初遼入掠中原  
人及得奚渤海諸國生口分賜貴近或有功者大至一二  
州少亦數百皆爲奴婢輸租爲官且納課給其主謂之二  
稅戶大定初一切免爲民間山寺僧賜戶三百與僧共居  
供役而不輸租故不在免例訴者積年臺寺不爲理又訴  
於致美致美上章大畧謂天子作民父母當同仁一視分  
別輕重乃胥吏舞文法之敝陛下大明溥照豈可使天下  
有一民不被其澤者且沙門旣謂之出家而乃聽其與男

女雜居乎書奏宰相持不可世宗詔致美與相詰難致美  
伏御座前曰前日車駕幸遼東閭山寺曾供從官一宿之  
具寺僧物陛下物也陛下無以此直寺僧而使三百家受  
屈世宗大笑曰李晏刼制我耶即日免之明昌初爲禮部  
尙書分諸道府試復經義設經童科皆自致美發之出爲  
沁南軍節度使告老不從改昭義軍節度使且授子仲略  
澤州刺史以榮之時澤潞旱甚致美擅發倉粟三萬石捄  
餓者因上章請罪章奏而本道提刑彈章亦至章宗謂宰  
相言提刑職當然李宴義當然不之罪也仲畧字簡之大  
定二十二年進士仕至山東路按察使道陵愛其俊快比  
爲脫帽鶻云致美自號游仙野人簡之丹源釣徒有集傳  
于世簡之之子肯播字克紹肯穫字克守肯德字克脩

元遺

澤州府志

卷之五十一

襍志

四十三

山中州集  
小序五則

郝天挺謂其弟子元好問曰學者貴有受學之器器者何慈  
與孝也今汝有志矣器如之何

劉瀛云莊靖先生詩格律清新似東坡句法竒傑似山谷集  
句圓轉脈絡貫串半山老人之體也雄篇鉅章奔騰放逸  
昌黎公之亞也

郝陵川論書云太嚴則傷意太放則傷法又云心正則氣定  
氣定則腕活腕活則筆端筆端則墨注墨注則神凝神凝  
則象滋無意而皆意不法而皆法

元史文宗本紀樞密院言河南行省軍列戍淮西距潼關河  
中不遠湖廣行省軍惟平陽保定兩萬戶號稱精銳請發  
蘄黃戍軍一萬人及兩萬戶軍爲三萬命湖廣叅政鄭昂

霄萬戶脫脫木兒將之以便徵遣從之天曆二年二月樞密院言囊加臺阻兵四川其亂未已請命鎮西武靖王搆思班等皆調軍以湖廣行省官脫歡別薛孛羅及鄭昂霄總其兵進討從之

元史河渠志至正四年五月大雨二十餘日黃河暴溢水平地深二丈許北決白茆堤六月又決金堤並河郡邑皆罹水患水勢北侵安山沿入會通運河延袤濟南河間將壞兩漕司鹽場省臣以聞朝廷患之遣使體量仍督大臣訪求治河方畧九年冬脫脫復爲丞相有志事功集議庭中言人人殊惟都漕運使賈魯昌言必當治先是魯嘗爲山東道奉使宣撫首領官循行被水郡邑具得脩捍成策後又爲都水使者奉旨詣河上相視驗狀爲圖以二策進獻

澤州府志

卷之五十一

襍志

四十四

一議脩築北堤以制橫潰其用功省一議疏塞並舉挽河使東行以復故道其功費甚大至是復以二策對脫脫躡其後策議定乃薦魯于帝大稱旨十一年四月下詔中外命魯以工部尚書爲總治河防使進秩二品授以銀印發民十五萬人軍二萬人供役一切從事大小軍民咸稟節度便宜興繕是月二十二日鳩工七月疏鑿成八月決水故河九月舟楫通行十一月水土工畢諸埽諸堤成河復故道南匯于淮又東入于海帝遣貴臣報祭河伯召魯還京師論功超拜榮祿大夫集賢大學士其宣力諸臣遷賞有差賜丞相脫脫世襲答刺罕之號特命翰林學士承旨歐陽元製河平碑文以旌勞績元旣爲河平之碑又作至正河防記

元歐陽元至正河防記述高平賈魯治河事曰元旣爲河平之碑文自以爲司馬遷班固記河渠溝洫僅載治水之道不言其方使後世任斯事者無所考則乃從賈魯訪問方畧及詢過客質吏牘作至正河防記欲使來世罹河患者按而求之其言曰治河一也有疏有濬有塞三者異焉釃河之流因而導之謂之疏去河之淤因而深之謂之濬抑河之暴因而扼之謂之塞疏濬之別有四曰生地曰故道曰河身曰減水河生地有直有紆因直而鑿之可就故道故道有高有卑高者平之以趨卑高卑相就則高不壅卑不瀦慮夫壅生瀦生堙也河身者水雖通行身有廣狹狹難受水水溢悍故狹者以計闢之廣難爲岸岸善崩故廣者以計禦之減水河者水放曠則以制其狂水隳突則

以殺其怒治隄一也有剗築脩築補築之名有刺水隄有截河隄有護岸隄有縷水隄有石舡隄治埽一也有岸埽水埽有龍尾攔頭馬頭等埽其爲埽臺及推卷牽制蕪掛之法有用土用石用鐵用草用木用杙用絙之方塞河一也有缺口有豁口有龍口缺口者已成川豁口者舊常爲水所豁水退則口下於隄水漲則溢出於口龍口者水之所會自新河入故道之濶也此外不能悉書因其用工之次第而就述於其下焉其濬故道深廣不等通長二百八十里百五十四步而強功始自白茅長百八十二里繼自黃陵岡至南白茅闢生地十里口初受廣百八十步深二丈有二尺以下停廣百步高下不等相折深二丈及泉曰停曰折者用古算法因此推彼知其勢之低昂相準折而

取停勻也南白茅至劉莊村接入故道十里通折墾廣八十步深九尺劉莊至專固百有二里二百八十步通折停廣六十步深五尺專固至黃堦墾生地八里面廣百步底廣九十步高下相折深丈有五尺黃堦至哈只口長五十一里八十步相折停墾六十步深五尺乃濬凹里減水河通長九十八里百五十四步凹里村缺河口生地長三里四十步面廣六十步底廣四十步深一丈四尺自凹里生地以下舊河身至張贊店長八十二里五十四步上三十六里墾廣二十步深五尺中三十五里墾廣二十八步深五尺下十里二百四十步墾廣二十六步深五尺張贊店至楊青村接入故道墾生地十有三里六十步面廣六十步底廣四十步深一丈四尺其塞專固缺口脩隄三重并補

築凹里減水河南岸豁口通長二十里三百十有七步其朔築河口前第一重西隄南北長三百三十步面廣二十五步底廣三十三步樹置椿橛實以土牛草葦雜稍相兼高丈有三尺隄前置龍尾大埽言龍尾者伐大樹連稍繫之隄旁隨水上下以破嚙岸浪者也築第二重正隄并補兩端舊隄通長十有一里三百步缺口正隄長四里兩隄相接舊隄置椿堵閉河身長百四十五步用土牛草葦稍土相兼脩築底廣三十步脩高二丈其岸上土工脩築者長三里二百十有五步有奇高廣不等通高一丈五尺補築舊隄長七里三百步表裏倍薄七步增卑六尺計高一丈築第三重東後隄并接脩舊隄高廣不等通長八里補築凹里減水河南岸豁口四處置椿木草土相兼長四十

七步於是塞黃陵全河水中及岸上脩隄長三十六里百三十六步其脩大隄刺水者一長十有四里七十步其西復作大隄刺水者一長十有二里百三十步內勸築岸上土隄西北起李八宅西隄東南至舊河岸長十里百五十步顛廣四步趾廣三丈高丈有五尺仍築舊河岸至入水隄長四百三十步趾廣二十步顛殺其六之一接脩入水兩岸埽隄并行作西埽者夏人水工徵自靈武作東埽者漢人水工徵自近畿其法以竹絡實以小石每埽不等以蒲葦綿腰索徑寸許者從鋪廣可一二十步長可二三十步又以曳埽索絢徑三寸或四寸長二百餘尺者衡鋪之相間復以竹葦麻絲大絳長三百尺者爲管心索就繫綿腰索之端於其上以草數千束多至萬餘勻布厚鋪於綿腰索之上

橐而納之丁夫數千以足踹實推卷稍高卽以水工二人立其上而號於衆衆聲力舉用大小推梯推卷成埽高下長短不等大者高二丈小者不下丈餘又用大索或五爲腰索轉致河濱選健丁操管心索順埽臺立踏或掛之臺中鐵猫大槩之上以漸縋之下水埽後掘地爲渠陷管心索渠中以散草厚覆築之以土其土復以土牛雜草小埽稍土多寡厚薄先後隨宜脩疊爲埽臺務使牽制上下縝密堅壯互爲犄角埽不動搖日力不足夜以繼之積累旣畢復施前法卷埽以厭先下之埽量水淺深制埽厚薄疊之多至四埽而止兩埽之間置竹絡高二丈或三丈圍四丈五尺實以小石土牛旣滿繫以竹纜其兩旁並埽密下大椿就以竹絡上大竹腰索繫于大椿上東西兩埽及其中

竹絡之上以草土等物築爲埽臺約長五十步或百步再下埽卽以竹索或麻索長八百尺或五百尺者一二雜廁其餘管心索之間俟埽入水之後其餘管心索如前蕪掛隨以管心長索遠置五七十步之外或鐵猫或大椿曳而繫之通管束累日所下之埽再以草土等物通脩成隄又以龍尾大埽密掛於護隄大椿分析水勢其隄長二百七十步北廣四十二步中廣五十五步南廣四十二步自顛至趾通高三丈八尺其截河大隄高廣不等長十有九里百七十七步其在黃陵北岸者長十里四十一步築岸上土隄西北起東西故隄東南至河口長七里九十七步顛廣六步趾倍之而強二步高丈有五尺接脩入水施土牛小埽稍草雜土多寡厚薄隨宜脩疊及下竹絡安大椿繫龍

尾埽如前兩隄法唯脩疊埽臺增用白闌小石并埽上及前游脩埽隄一長百餘步直抵龍口稍北欄頭三埽並行埽大隄廣與刺水二隄不同通前列四埽間以竹絡成一大隄長二百八十步北廣百一十步其顛至水面高丈有五尺水面至澤腹高二丈五尺通高三丈五尺中流廣八十八步其顛至水面高丈有五尺水面至澤腹高五丈五尺通高七丈并翔築縷水橫隄一東起北截河大隄西抵西刺水大隄又一隄東起中刺水大隄西抵西刺水大隄通長二里四十二步亦顛廣四步趾三之高丈有二尺脩黃陵南岸長九里百六十步內翔岸土隄東北起新補白茅故隄西南至舊河口高廣不等長八里二百五十步乃入水作石舡大隄蓋由是秋八月二十九日乙巳道故河流先

所脩北岸西中刺水及截河三隄猶短約水尙少力未足恃  
決河勢大南北廣四百餘步中流深三丈餘益以秋漲水  
多故河十之八兩河爭流近故河口水刷岸北行洄漩湍  
激難以下埽且埽行或遲恐水盡湧入決河因淤故河前  
功遂隳魯乃精思障水入故河之方以九月七日癸丑上  
流排大舡二十七艘前後連以大桅或長椿用大麻索竹  
絙絞縛綴爲方舟又用大麻索竹絙周船身繳繞上下令  
牢不可破乃以鐵猫於上流碓之水中又以竹絙絕長七  
八百尺者繫兩岸大槩上每絙或碓二舟或三舟使不得  
下船腹畧鋪散草滿貯小石以合子板釘合之復以埽密  
布合子板上或二重或三重以大麻索縛之急復縛橫木  
三道於頭桅皆以索維之用竹編笆夾以草石立之桅前

約長丈餘名曰水簾桅復以木樁柱使簾不偃仆然後選  
水工便捷者每船各二人執斧鑿立船首尾岸上搥鼓爲  
號鼓鳴一時齊鑿湏臾舟破水入舟沉遏決河水怒溢故  
河水暴增卽重樹水簾令後復布小埽土牛白闌長稍雜  
以草土等物隨宜填塚以繼之石船下詣實地出水基趾漸  
高復卷大埽以壓之前船勢畧定尋用前法沉餘船以竟  
後功昏曉百刻役夫分番甚勞無少間斷船隄之後草埽  
三道並舉中置竹絡盛石並埽置椿繫纜四埽及絡一如  
脩北截水隄之法第以中流水深數丈用物之多施功之  
大數倍他隄船隄距北岸纔四五十步勢迫東河流峻若  
自天降深淺叵測於是先卷下大埽約高二丈者或四或  
五始出水而脩至河口一二十步用工尤艱薄龍口喧豕

猛疾勢撼埽基陷裂欹傾俄遠故所觀者股栗衆議騰沸以爲難合然勢不容已魯神色不動機解捷出進官吏工徒十餘萬人日加獎諭辭旨壑至衆皆感激赴功十一月十一日丁巳龍口遂合決河絕流故道復通又於隄前通卷攔頭埽各一道多者或三或四前埽出水管心大索繫前埽砸後攔頭埽之後後埽管心大索亦繫小埽砸前攔頭埽之前後先羈縻以錮其勢又於所交索上及兩埽之間壓以小石白闌土牛草土相半厚薄多寡相勢措置埽隄之後自南岸復脩一隄抵已閉之龍口長二百七十步船隄四道成隄用農家場圃之具曰轆軸者穴石立木如比櫛蕤前埽之旁每步置一轆軸以橫木貫其後又穴石以徑二寸餘麻索貫之繫橫木上密掛龍尾大埽使夏秋

潦水冬春凌簿不得肆力於岸此隄接北岸截河大隄長二百七十步南廣百二十步顛至水面高丈有七尺水面至澤腹高四丈二尺中流廣八十步顛至水面高丈有五尺水面至澤腹高五丈五尺通高七丈仍治南岸護隄埽一道通長百三十步南岸護岸馬頭埽三道通長九十五步脩築北岸隄防高廣不等通長二百五十四里七十一步白茅河口至板城補舊隄長二十五里二百八十五步曹州板城至英賢村等處高廣不等長一百三十三里二百步稍岡至碭山縣增培舊隄長八十五里二十步歸德府哈只口至徐州路三百餘里脩完缺口一百七處高廣不等積脩計三里二百五十六步亦思刺店縷水月隄高廣不等長六里三十步其用物大凡椿水大者二萬七千

榆柳雜稍六十六萬六千帶稍連根株者三千六百藁秸  
蒲葦雜草以束計者七百三十三萬五千有奇竹竿六十  
二萬五千葦席十有七萬二千小石二千艘繩索小大不等五  
萬七千所沉大船百有二十鐵纜三十有二鐵猫三百三  
十有四竹蔑以斤計十有五萬礮石三千塊鐵鎖萬四千  
二百有奇大釘三萬三千二百三十有二其餘若木龍鬘  
椽木麥稽扶椿鐵叉鐵弔枝麻搭火鈎汲水貯水等具皆  
有成數官吏俸給軍民衣糧工錢醫藥祭祀賑恤驛置馬  
乘及運竹木沉船渡船下椿等工鐵石竹木繩索等匠傭  
貲兼以和買民地爲河併應用雜物等價通計中統鈔百  
八十四萬五千六百三十六錠有奇魯嘗有言水工之功  
視土工之功爲難中流之功視河濱之功爲難決河口視  
中流又難北岸之功視南岸又難用物之效草雖至柔柔  
能狎水水漬之生泥泥與草并力重如碇然維持夾輔纜  
索之功實多蓋由魯習知河事故其功之所就如此元之  
言曰是役也朝廷不惜重費不吝高爵爲民辟害脫脫能  
體上意不憚焦勞不恤浮議爲國拯民魯能竭其心思智  
計之巧乘其精神膽氣之壯不惜劬瘁不畏譏評以報君  
相知人之明宜悉書之使職史氏者有所考證云

元至正十六年處州副元帥石末宜孫明劉基德政碑石末  
先遼人從蕭后爲述律氏稱后族遼亡庫烈兒率所部南  
徙爲石末氏居野狐山射狐鼠元興從太祖有功宜孫之  
祖元史著者四人高平東有石末里連野狐嶺卽其鄉

明李新芳陵川宗約序云潘簡王爲太祖第二十一子簡王

子康肅王號遐齡老人者陵川之始封也嗣是而懷懿諸王出焉懷懿諸子有號孤松孤巖孤雲者皆慕古好學樂善循理其子有浩庵益庵恕庵者有雲崖雲峰雲岫雲溪雲洲者皆博雅精醇親賢友善陵川之盛如此天潢衍派殆二百祀有衆約十六萬玉牒名位滿巨萬中多賢而學古然其時每格於宗伯下屬吏操予奪權承襲嗣繼賄納顯晦有不得祿入而窮餓流離者讀元時郝文忠罪言疏其相去正自遠矣

太原和贊善希文呂忠肅高弟元時不就祿養母太行山中飲水著書以爲樂值兵荒相仍暴軍掠人以充糧所向殆盡希文保障獲完昆弟之孤女十有六人當艱難中咸保抱携持卒歸士族入明徐魏公薦起擢贊善侍書東朝行

澤州府志

卷之五十一

襍志

五十二

以母老辭歸

出宋學士濂集

四州文獻載宣寧王隰川王列傳云明宣寧王隰川王皆代王支子也代王桂初封豫洪武二十四年改封代王大同建文時廢爲庶人永樂靖難後復之稍不自檢與其子遜料遜焞褻衣冠行市袖鍾斧傷人上聞之遺書戒諭王亦悔遜料王第七子正統二年冊封宣寧郡王初建大同府城天順四年徙澤成化六年卒諡靖莊靖莊王第六子仕嬴八年封弘治四年卒諡和僖和僖王第二子成鈞七年封正德五年卒諡恭安恭安王長子聰灑六年封嘉靖七年卒諡康靖康靖王子俊相十五年封隆慶五年卒諡昭榮昭榮王子充燦萬曆八年封十八年卒諡溫簡無子推宗人俊榛管理府事 代簡王第十子遜璆正統七年冊

封隰川郡王初建大同府城天順五年徙澤八年卒諡懿  
安懿安王子仕燧成化二年封十一年卒諡恭僖恭僖王  
子成鈞十五年封二十年卒諡莊隱莊隱王第二子弘治  
七年封正德十三年卒諡康肅康肅王子俊栢嘉靖九年  
封三十四年卒諡莊惠莊惠王無子推宗人俊樞管理府  
事卒隆慶間推俊榕管理府事免萬曆間推俊楔管理府  
事卒萬曆間推充倓管理府事  
元皇統左秘去思碑云自隋開皇三年爲州迄皇統三年共  
五百六十一載中之爲刺史者門著勲闕有若燕公于顛  
上特眷委有若趙公王琚文皇介弟有若韓王元嘉密王  
曉清約得民和有若伊婁謙明潔稱良牧有若長孫順德  
彼楊德榦雖有威名不見稱述

地產出鐵共三千六百九山上黨鐵苗甚微羊頭之鋼自魏  
文帝稱之魏至唐宋惟儀有一冶儀卽今遼州是上黨出  
鐵無幾也管子曰上有赭下必有鐵赭山今多無鐵空矣  
漢武中年大農丞孔僅奏權鹽鐵縣官鐵器苦惡價貴強  
令民買董仲舒桓寬先後交口不便御史大夫桑弘羊以  
爲安邊足用之本務由是鹽鐵之議起孝元時罷鹽鐵官  
孝明復用張林言自鬻唐開元拾遺劉彤上鹽鐵表願詔  
鹽鐵等官收興私貨於人宋興阡冶凡金銀銅鐵鉛錫監  
冶場務二百有一冶之興廢不常歲額增損隨之仁宗皇  
祐中歲入鐵七百二十四萬一千斤銅五百一十萬八百  
三十斤鉛九萬八千一百五十一斤金銀錫時增損英宗  
熙寧八年嚴坑冶禁元豐中入銅千四百六十萬五千九

百六十九斤鐵五百五十萬一千九十七斤鉛九百十九萬七千三十五斤鐵少而銅鉛貨倍於舊政和間令諸路鐵倣茶鹽法權鬻置鑪冶收鐵給引然農具器用從民鑄造卒如舊法宣和復相州安陽銅冶留磁州固鎮鐵冶固鎮今上黨官權自宋始也宋初舊有阮冶崇寧又增新阮政和間數罷數復告發之地多壞民田承買者立重額或舊有今無而額不爲損此其所以側目蔡京也靖康元年報罷而河北河東京東西已非宋有矣元初置鐵冶司宋元豐年劉庠除河東轉運使庠計一路之產鐵利爲饒請復舊冶鼓鑄通隰州鹽礬博易以濟

異苑曰上黨參人形皆具能作兒啼計然曰人參出上黨類人者善唐制上黨貢人參一百小兩高平貢人參三十小

澤州府志

卷之五十一

襍志

五十四

兩儀州貢人參三十小兩今秋草紫團暮雨銅鞮間幾曾拔一枝拾一葉元史載上黨人參貢有歲例石勒園生人參葩茂甚禮斗威儀曰君乘木而王有人參參類人形將相輩出有以僞亂眞者在人主識之識其有用不以蘿菔當參之用識其無用不以參當蘿菔則必不至以人國人命僥倖矣春秋運斗樞曰搖光星散爲人參廢江淮山瀆之利則搖光不明人參不生正不必於上黨清河求之也人參生深山中近椴漆下濕潤處椴似桐而多蔭高麗人參讚曰三桠五葉背陽面陰欲來求我椴木相尋出四州文獻九域志宋時潞州上黨郡貢人參一千斤墨一百枚兗州絳州皆貢墨一百枚今三地墨皆絕響上黨人參徒存其名耳志載澤州亦貢人參十斤

邊盜王嘉印以崇禎三年六月四日攻陷黃甫川清水木瓜等堡次日陷府谷縣據其城屢戰堅守詭約降縋而趨黃甫川圖大逞延撫洪承疇總兵杜文煥從孤山進勦斬首四百級晉兵亦得三百級賊窮送出縣印退保大小寬坪等寨十月二十日嘉印再陷清水已又陷府谷兵至走之晉晉總兵王國樑師大燬遂失河曲賊堞而守焉四年四月十八日裨將曹變蛟艾萬年曹文耀叅謀袁廓守等從曹文詔收河曲斬首一千六百級獲軍資鎧仗數千計獲王

嘉印銀印一王惟岳銀印一

嘉印奪門走六月初一日得之陽城城下

晉地也皆秦將士力云 四年夏五月潞安徇民作亂于

壺關高平陵川 是月也嘉印既出河曲以二十四日從

岳陽入屯留長子境此賊犯澤潞之始 二十七日從高平之長平

澤州府志

卷之五十一

襍志

五十五

取山徑至沁水坪上村正德間流賊亦于 從榭山西南行入

陽城縣之北鄉知縣楊鎮原固守賊從李邱長灣村而入

南山官兵尾賊不能擊 點燈子自秦入晉犯竇莊竇莊

在沁水東北張忠烈公銓父五典築以防亂銓子道濬道

澤官京師賊至衆議棄去忠烈妻霍氏曰避賊而出家不

保出而避賊身不保等死死于家不愈死于野乎躬率僮

僕守發矢石傷賊四日退冀北道王肇生表之曰夫人城

六月初二日王嘉印在陽城南山夜飲醉虐其下左右

殺之以其首獻嘉印僞署右丞白玉柱降左丞紫金樑名王

自復糾衆起兵三十六營號二十萬三十六營八大王掃地

曹操亂世王撞塌天闖將滿天星老狗李晉王黨家破

甲錐八金剛混天天王蝎子塊闖王不沾泥張妙手白九兒

一陣風七郎大天王九條龍四天王點燈子上天猴丫

頭子齊天王映山紅摧山虎冲天柱油裡滑屹烈眼等

五年三月賊犯沁水寧武營裨校猛忠陣于端氏鎮會張道濬以罪戍鴈門命家將張道法張瓚率蒼頭軍同擊賊忠中賊伏于平頭山戰死瓚馳救拔出其衆賊南趨澤州阻于河遂北掠長子 賊以七月破大寧八月破隰州再破石樓壽陽有客將吳開先者歙人竒士兵使者王肇生便宜用爲將常挫賊澤州西著勇畧賊從沁水攻陽城肇生以開先之兵至開先恃其能渡沁戰于北留墩下力鬪殺數百人礮盡無援一軍皆沒賊乃移營攻澤州州人叅政張光奎者守八日救不至城陷死之澤大州也全晉爲震動閱半月賊已南下太行山浸尋乎濟源修武而畿豫俱中賊矣 當是時兵部以晉賊之急有三西在平陽東在澤潞西北在汾太沁遼三路並急議督臣張宗衡駐平

陽任東西二賊所將白安虎大威之四千人加以李卑兵一千賀人龍兵一千左良玉兵二千五百得八千人以平陽澤潞四十一州縣責之撫臣許鼎臣駐汾州任西北之賊所將張應昌苟伏威之二千人加以史記頗希牧兵一千艾萬年兵一千五百寧武兵一千岢嵐代州北接利民馬站老營兵二千得七千人以汾太沁遼三十八州縣責之于是總督張宗衡提陽和兵從澤州潛師尾賊後至于陵川勝之再擊賊于潞州之西和大勝之斬首二千級十月陽和兵破賊于陽城縣之陽泉又破之于沁水毛連溝鹿臺寺石塔杏峪斬獲皆千人 六年正月宋統殷擊賊于長子賊轉入沁水復犯竇莊張道濬率鄉人設守時官軍屢捷而秦兵將至賊乃請道濬相見紫金樑免胄前曰

我王自用也誤隨王嘉印故至此道濬詰以既降何故縱火賊以衆爲解有一人前致詞甚善問爲誰曰宜川諸生韓廷憲也既聽其約統殷命守備薛天祿受之陽和兵乘不備襲賊賊怒而殺天祿敗約南下 初紫金樑之敗約也韓廷憲欲圖之不遂乃以三騎來歸賊至郎壁廷憲偵亂世王得一民婦惑之言于軍曰是賊與紫金樑爭一婦人其釁可以說而離也貽書問之云紫金樑將縛以自贖賊久合聞之遂分分七大股股萬人曰混世王曰姬關鎖曰八大王曰曹操曰三月賊從河內上太行曹文詔禦之澤州之九仙臺大破之張道濬遣張瓚伏兵三纏凹邀賊擒其渠首獻闕下賊遁入潞文詔以兵四千至陽城中途遇賊過之不顧曉抵沁水薄暮還潛師掩擊于芹池劉村寨上等

澤州府志

卷之五十一

襍志

五十七

村斬首千餘 初曹聲言平陽擊賊民失望至是始服四月賊駐陽城縣之潤城初四日賊陷平順 曹文詔以十八日晡時抵周村周村去潤城十五里三鼓襲之出賊不意斬一千五百級張應昌亦再有斬獲賊紫金樑老獍狗從榆社敗北奔武鄉過天星遁高澤山先後爲文詔追殺 晉撫許鼎臣奏稱流寇三十萬流毒晉地五年仰藉皇上威靈就殲十之五解散十之三所存西賊萬餘遁濟源山中其山爲王屋底柱析城中條今令李卑艾萬年從澤州陽沁之延巒天井關入賀人龍李杏芳從垣絳之邵源關瞽冢村入此西路進勦之大勢也東賊二萬遁輝林武涉山中其山爲青羊峪赤狄國王莽嶺伏牛山碗子城小西天大王莊孫贖坡箕山遼山總兵曹文詔中軍孫孫茂

林自潞安黎城入臣遣麾下猛如虎等自遼和樂平之臯  
落山入此東路進勦之大勢也太汾西北張應昌劉光祚  
任之可計日奏功他盜如霍州趙州隰州石樓孝義等處  
蝟毛而起皆目爲土賊可折箠笞不煩天兵然鼎臣之言  
亦聊以寬文法紓主憂而上意亦第謂此饑民不足置寇  
數也 五月賊犯沁水陽城日急曹文詔大破之于小河  
村又破之于遼城毛嶺 六月曹文詔調援豫李卑破賊  
于澤州之天井關艾萬年破賊于陽城之延家山 八月  
賊陷沁水賊自翼城逼沁水李卑駐高平王肇生三檄之  
不應十一日賊攻沁水陷之賊渡河五犯沁水張道濬有  
城守功道濬前在朝以言事得罪公論冀用軍功湔袪會  
沁陷乃誡其勞不許 五年九月賊掠懷濟焚清化破修

武賊居三日陽和兵至乃去突入清化鎮旁掠武涉輝縣  
遂圍懷慶叅將黃士英戰沒廷議用昌兵殺賊以千二百  
人付左良玉而陳永福以裨校從征其大指專在中州會  
修武清化之寇竄入平陽因檄良玉入晉十二月初十日  
賊抵王屋山犯西陽衆二萬官兵二千餘人用礮擊之賊  
死者三百西遁聚于高平長子之間時撫豫者樊尙燦爲  
疏請曰昌鎮之兵卽河南之兵餉卽河南之餉樞臣移緩  
就急臣不敢爭但豫非無事賊氛漸逼請以左良玉駐澤  
州適中之地北可以援高平長子東可以救臨縣潞安西  
可以應陽城沁水爲晉保境兼顧濟源詔從之聽良玉受  
尙燦節制并諭曹文詔以同心殺賊有急則秦兵騁而東  
豫兵逼而西晉兵從中橫擊勿以交境爲解

往與陽城田侍御樹滋論蠶桑事談及吳中蘇杭等郡倚蠶  
爲春收栽桑之法與山右不同南桑先下子壓條少長接  
枝其葉厚而大其不接者名野桑飼蠶不宜或值葉多蠶  
少之年其頭葉湏盡將去令長二葉以飼原蠶即二蠶一名秋蠶  
不食頭葉是以蠶家科桑不令頭葉長過夏秋也頭蠶絲  
堅韌中紗羅用二蠶絲光采奪目織綾尤宜澤郡桑多不  
接生崖礪路傍不加灌溉土不肥潤任其荒燥每見葉多  
筋絲繭絲過籠上機組紆每多紕類皆不講培養桑本之  
故也考農政全書云桑種甚多唯魯桑少椹葉圓厚而多  
津其邊有瓣者荆桑也當以魯桑條接之齊民要術云凡  
耕桑田不用近樹其犁不著處屬斷令起斫去浮根以蠶  
矢糞之王楨曰剝音川去木枝也桑十二月爲上時正月次之二

月爲下蓋桑多宜苦斫桑少宜省剝農桑要旨云平原土  
肥荆桑魯桑種種俱可若山陵土脈赤硬止宜荆桑土農  
必用云培桑最宜春分前後十日及十月並爲上時宜栽  
培以養元氣鍾化民曰種桑用魯桑子下種在正二月至八月亦  
可種根要埋直泥要挨緊以水糞澆灌方有生意黃省曾  
曰凡桑本縐皮者葉小而薄白皮而節踈芽大者爲柿葉  
桑葉大而厚繭堅而多絲高而皮白者宜山岡之地墻隅  
籬畔邇于灶屋尤宜又曰藝桑之園不可藝楊多楊甲之  
虫宜勤捕之接桑之法有插接有劈接有壓接有搭接有  
換接務本新書曰桑聞鐵腥則枝幹愈旺迤南地分十月  
埋栽河朔地寒故宜秋栽以霖雨爲上時又曰壓條法寒  
食之後將二年之上桑全樹以兜櫬祛定掘地成渠條上

已成小枝者出露土上其餘條樹以土全覆之樹根周圍撥作土盆旱宜澆灌如無元樹止就桑下脚窠依土掘渠埋壓六月不宜全壓土農必用云桑可科去者有四一瀝

水條向下一刺身條一駢指條相併生者先去其一一冗脰條

雖順生却繁冗斫樹以臘月爲上正月次之接換之妙在時之融

和手之審密封繫之固擁包之厚使不至踈淺而寒凝也

元扈先生曰接桑必待月暗自下弦至上弦皆可晦日尤

妙自上弦至下弦皆忌望日尤險 接須老樹肌肉與接

頭肌肉相對著用新牛糞和土成泥封泥其接頭周圍用

桑皮縛纏牢固又用牛糞土泥封所縛桑皮然後用濕土

封堆接頭上可厚五寸週圍荆棘遮護 接大桑宜劈接

插接小桑宜搭接壓接博聞錄云柘葉叢生幹直葉厚春

蠶食之其絲以冷水繰謂之冷水絲柘蠶先出先起先蠶柘葉隔年不採者春再生必毒蠶如不採夏月必要打落方無毒知此則桑必去隔年葉卽其義也羣芳譜採桑法高樹用梯摘不傷枝遠出強枝當用斧轉腕回刃向上斫之枝查旣順津脈不出葉必復茂諺曰斧頭自有一倍葉此善用斧之效也柔桑不用梯須製桑几如高橈下列二桃登陟斯易便摘葉而不傷樹又糞桑宜蠶矢根下埋龜甲則不炆不生黃衣 澤州蠶絲之利甲于他郡因編集種桑之法以示邦人他日桑田春茂行南陌者幸毋忘使君也冬秀亭襍記

往在志局與孔孝廉協中論養蠶法吳中于清明後浴紙飼蠶西北高寒每在穀雨後蠶不宜風北地山高其飼蠶法

雖與南大同小異唯蠶室不密蠶受風傷吐絲不成臨熟  
每多殭殞者按雜五行書云二月上壬取土泥屋四角宜  
蠶齊民要術云屋欲四面開牕紙糊厚爲籬屋內四角著  
火火若在一處則冷熱不均調火令冷熱得所熱則焦燥  
冷則長遲蠶小時採桑著懷中令煖然後切餵以得人體  
則衆惡除每飼蠶則捲窻幃飼訖卽下蠶見明則食也老  
時值雨則壞繭宜于屋內安簇簇蠶具吳中謂之上山薄布薪于箔  
上散蠶訖又薄以薪覆之一槌得安十箔薪下微生炭火  
得煖則作速傷寒則作遲薪用蓬蒿取其涼無鬱浥之憂  
死蠶旋墮無污繭之患沙檠不住無癩痕之疵鬱浥則難  
練繭汚則絲散癩痕則無用其外簇者晚遇天寒則全不  
作繭用火易練而絲明日曝死者雖白而漕脆 農桑通

訣曰蠶起眠時葉不可帶雨露爲風日所乾及浥臭者令  
蠶生病常收葉以備霖雨則不食溼葉亦不失饑蠶忌冷  
蠶母着衣自覺身寒則蠶必寒便添火自覺身熱蠶亦必  
熱約量去火天氣清明暫揭簾薦以通風日南風則捲北  
窻北風則捲南窻則不傷蠶大眠起後剪開紙窻透風日  
天氣炎熱門口置瓮添新水以生涼氣如遇風雨夜涼簾  
薦放下蠶沙失分則稠疊失擡則烝溼柔輦之物易于損  
傷生疾也南蠶皆四眠北蠶多三眠候十蠶九老方可上  
簇北方蠶多露簇多壓損壅闕唯宜內置蠶簇用以木架  
平鋪蒿梢布蠶于上蓆泊圍護爲良元孟祺農桑輯要謂  
蠶性在連在紙上則宜極寒成蟻則宜極煖停眠起宜温大  
眠後宜涼臨老宜漸煖入簇宜極煖黃省曾曰蠶性喜靜

惡喧喜煖惡溼室靜可避人聲喧鬧室密可避南風襲吹  
室板可避地氣蒸鬱務本新書云冬日宜收牛糞堆聚春  
煖踏成塹子晒乾苦起煙時其氣宜蠶齊民要術云蠶室  
四面開窗紙糊爲籬收拾火氣蠶小時以牛糞燒令無煙  
約量頓火近二眠而止若寒熱不均則眠起不齊若燒柴薪則  
煙氣薰烝太甚務本新書云蠶必晝夜飼頓數多者蠶必  
速老少者遲老二十五日老一箔可得絲二十五兩二十  
八日老得絲二十兩若月餘四十日老一箔止得絲十餘  
兩又云擡蠶要疾沙宜頻除久而發熱熱氣薰蒸後多白  
殭如遇賊風後多紅殭黃省曾云蠶不可受油鑊氣不可  
受煤氣不可焚香不可佩香犯則焦黃而死不可入生人  
犯則游走而不安箔蠶室不可食薑及蠶荳蠶婦之手不

可擷苦蕒犯之蠶必青爛食苦蕒者不可入蠶室韓氏直  
說蠶有八宜方眠宜暗眠起後宜明蠶小向眠時宜煖宜  
暗蠶大并起時宜明宜涼向食時宜有風避近風牕開下風宜加  
葉繁飼新起時怕風宜薄葉慢飼蠶之所宜不可不知務  
本新書蠶忌忌食溼葉忌食熱葉蠶之初生忌屋內掃塵  
忌煎燂魚肉忌煙火紙房內吹滅忌側近春搗忌猷擊門  
牕灶箔有聲之物忌哭泣叫喚忌穢語淫辭忌燈火光夜  
照牕孔忌未滿月產母蠶母忌換顏色衣服洗手潔淨忌  
帶酒人飼蠶擡解忌煙薰忌放刀灶上箔上忌熱湯潑灰  
忌衣孝人人家忌燒皮毛亂髮忌酒醋五辛麝香等忌當  
日迎風牕忌西照日忌熱著猛風暴寒忌正寒陡令過熱  
忌不潔淨人忌蠶室近糞穢 蠶欲老可簇地盤燒令極

乾除掃灰淨于上置簇此北方之法因與孝廉閒話採取各條備書如左

陵川僻居萬山中爲一郡清涼之域其地宜麻往與林明府問及麻利大都南麻外韌內脆唯產陵川者中外堅韌絢製桅索外雖磨鎔而內不絕股故舟人利之按齊民要術云凡種麻地須耕五六遍倍益之以夏至前十日下子亦鋤二遍仍抽拔稠開細弱不堪留者卽去却一切但依法除蟲災外小旱不致全損緣蓋磨數多故也崔實曰夏至先後五日可種牡麻牡麻有花無寔種繅麻地宜肥溼早在四月種遲在六月亦可繁密處芟去易長蘓恭曰繅麻宜十月採陰乾爲佳農桑要訣荷與黃麻同時熟刈作小束池內漚之爛去青皮麻片潔白如雪耐水爛可織爲毯被爲

澤州府志

卷之五十一

襍志

六十三

汲綆牛索或作牛衣雨衣草覆等具農家不可無者齊民要術云麻生數日中常驅雀布葉而鋤勃如灰便刈束欲小縛欲薄爲其易乾一宿輒翻之得霜露則皮壞穫欲淨有葉者易爛漚欲清水生熱合宜濁則麻黑水少則麻脆生則難剥太爛則不任挽泉不冰凍冬日漚者卽爲柔脆也用書數則以示邑人

陽城占太行之陽析城在其西南山脈融結草木叢茂產野葛引藤蔓生可緝作布惜邑人未知其法也其根外紫內白大如臂長者五六尺葉有三尖如楓葉七月著花纍纍成穗莢如小黃豆宜七八月采之 采葛法夏月葛成嫩而短者留之一丈上下者連根取謂之頭葛如太長看近根有白點者不堪用無白點者可截七八尺謂之二葛

附練葛法採後卽挽成綱繫火煮爛熟指甲剝看麻白不粘青卽剝下長流水邊捶洗淨風乾露一宿尤白安陰處忌日色紡之以織 李時珍曰葛有野生有家種其莢如小黃荳莢亦有毛其子綠色扁如鹽梅子核生嚼則腥氣所謂葛穀者也唯宋蘇頌謂葛花不結寔誤矣其花曝乾可煉食按葛花主治消酒唐韓翃詩葛花滿把能消酒是也博物志云野葛食之殺人家葛種之三年不收後旅生亦不可食本草注薤菜搗汁解野葛毒北戶錄衡州南靈鷲鵠解嶺南野葛諸菌毒猶記羅昭諫宿紀南驛詩不知無忌奸邪骨又作何山野葛苗是又以野葛比僉壬矣費無忌楚之讒人見左傳

冬秀亭詩話

陽城西南諸山土瘠地狹居甿無田可耕時以私創硫黃爲

澤州府志

卷之五十一

襍志

六十四

業官雖嚴刑峻法總不得窮源塞竇之要攷淮南子夏至硫黃澤蓋陽入地遇陰而成者舶黃似蜜黃中有金紅色擊開如水晶有光今陽城山峒取礦外暗而中明土人謂之銅疑卽礦音之訛得礦後貯入陽城甕中瓮口旣滿以土封固中逗小穴下承瓮口實者居上虛者居下以石炭圍煨火蒸黃流入下瓮以一晝夜爲度土人謂瓮曰串口形可二尺徑一尺唯陽城造者土堅它瓮則罅裂再鳳臺之沁河土河追山等村山亦產黃與豫之河內濟源接壤深山大澤犯者時有必得陽城串口乃可燒煨其產陵川者皆于臭煤石液中取出出色青不佳不及陽城者堪用按硫黃性烈內含猛毒爲七十二石之將藥品謂之將軍外家謂之陽侯別錄曰是山礬石液燒 有紫焰八月九月

採其色如鵝子初出殼者名崑崙黃顆塊瑩淨不夾石者爲良赤色者名石亭脂青色者名冬結石半白半黑者名神驚石竝不堪用獨孤滔曰硫能乾汞見五金而黑得水銀而色赤也夫硫黃配以焰硝作烽燧煙火爲軍中要物立禁森嚴各省採買先持本衙門咨文投院行司司檄到府差員照驗號批方行縣開採現置串口文武官監視買秤既足封閉峒口交給差官沿途關隘搜查不許夾帶收點串口貯庫違者治罪平時則于產黃地方山主窰頭互相稽查不許煎賣每月具結并窰戶不許私燒串口毀舊禁新搜括既盡其有偷創者盡置諸法然至秋深農隙山居穴處犯者屢屢矣今抄律文刊刻郡志末俾邑人講讀曉諭毋得作奸犯科于禁黃之法不無小補云

雍正十年大學士張等會議定例載私販硫黃五十斤以上者照私鹽律杖一百徒三年窩藏之家及知情賣與興販之人者與犯人同罪鄉保隣右知情不首者杖一百受贓者計贓以枉法從重論不知情者杖八十如有囤積未曾興販者杖九十徒二年半鄉保隣右首報者照價賞給其文武官失察者比照失察私鹽例處分

雍正十二年湖廣總督邁題前事凡窩販興販私磺之犯其同居之父兄伯叔弟姪知情不首者照強盜例杖一百挑夫船戶知情不首者照本犯之罪減二等發落如分贓者與犯人同罪若贓重者計贓以枉法從重論如據實首報者照例免罪仍向本犯名下追所獲硝黃入官價值另追賞給 湖南畵連黔粵環處苗猺硝黃應益加嚴禁嗣

後私黃煎挖窩囤興販與苗疆相距五百里以外者仍照舊例行其附近五百里以內者私黃事發遵

旨詳議定例以每黃十斤爲一等如十斤以下者杖一百其十斤以上者杖六十徒一年二十斤以上者按照五徒以次遞加至五十斤以上定例杖一百徒三年者加至杖一百流二千里至八十斤者增至杖一百流二千五百里一百斤者增擬杖一百流三千里其多至百斤以上者照合成火藥賣與鹽徒例發邊衛充軍其囤積未曾興販定例杖九十徒二年半者加等杖一百徒三年如囤積賣與私販者照加等增擬之例治罪至焰硝每二斤仍照舊例硫黃一斤科斷鄉保隣右知情不首及不知情者俱照定例加等分別治罪其同居父兄伯叔弟姪并挑夫船戶知情不首者均照增擬之例分別發落據實首報者亦照例分別免罪給賞俱各遵依在案

